

萬里者也

廣文選庾仲初薦唐安踐

春鷓秋蟀集候相悲露木風螢臨年共悅夫惟動植

且或有心況在生靈而能無感

廣文選王元長求効啓

老驥伏櫪志在千里烈士暮年壯心不已

廣文選曹孟德碣石

篇

寧能偶雞鶩寂寂隱蓬蒿

藝文類聚人部遊俠詩

楚聞騏驥不遺能於伯樂良寶不藏耀於卞和是以

輝光夜射價連秦趙飛駟絕影終朝千里物尚有之

士亦宜然

藝文類聚治政部薦舉牋

橘柚垂嘉實乃在深山側聞君好我甘竊獨自雕飾

藝文類聚果部橘詩

夫抱道不行猶無道也握寶不用猶無寶也

太平御覽道部

養生

欲使白牛有長路之能寶舟有彼岸之力也

法苑珠林卷九

十六

善用

狼之老者則領下垂胡狼進前則躡其胡卻退則踰

其尾是進退有難然猶不失其猛能殺傷禽獸以喻

周公攝政之時遠則四國流言近則王不知其志進

退有難然猶不失其聖能成就周道

毛詩正義狼跋

駢駢然調和者角弓此角弓雖則調和當善用之若不善置繼繁而巧用之則翩然而其體反戾矣是用角弓之難也以興和順者宗族也此宗族雖則和順當善待之若不善設食燕而恩御之則亦憤然而其心怨恨矣是待宗族之難也

毛詩正義角弓

玉體雖有廉稜而不傷割於物人有義者亦能斷割而不傷物

禮記正義聘義

火生而有光而不用其光果在於用光人生而有才而不用其才而果在於用才故用光在乎得薪所以保其耀用才在乎識真所以全其年

晉書孫登傳

公儀伯以力聞諸侯周宣王備禮以聘之公儀伯至觀形懦夫也宣王心惑而疑曰女之力何如公儀伯曰臣之力能折春螽之股堪秋蟬之翼王作色曰吾之力者能裂犀兕之革曳九牛之尾猶憾其弱女折春螽之股堪秋蟬之翼而力聞天下何也公儀伯長息退席曰臣之師有商丘子者力無敵於天下而六親不知以未嘗用其力故也臣以死事之乃告臣曰人欲見其所不見視人所不窺欲得其所不得修人所不為故善視者先見與薪善聽者先聞撞鐘夫有易於內者無難於外於外無難故名不出於一家今

臣之名聞於諸侯是臣違師之教顯臣之能者也然則臣之名不以負其力者也以能用其力者也不猶愈於負其力者乎

列子仲尼

惠子謂莊子曰魏王貽我大瓠之種我樹之成而實五石以盛水漿其堅不能自舉也剖之以爲瓢則瓠落無所容非不訾然大也吾爲其無用而掊之莊子曰夫子固拙於用大矣宋人有善爲不龜手之藥者世世以泝澠統爲事客聞之請買其方百金聚族而謀曰我世世爲泝澠統不過數金今一朝而鬻技百金請與之客得之以說吳王越有難吳王使之將冬

與越人水戰大敗越人裂地而封之能不龜手一也或以封或不免於泝澠統則所用之異也今子有五石之瓠何不慮以爲大樽而浮乎江湖而憂其瓠落無所容則夫子猶有蓬之心也夫

莊子逍遙遊

惠子謂莊子曰子言無用莊子曰知無用而始可與言用矣夫地非不廣且大也人之所用容足耳然則厠足而墊之致黃泉人尚有用乎惠子曰無用莊子曰然則無用之爲用也亦明矣

莊子外物

推而後行曳而後往若飄風之還若羽之旋若磨石

之隧

莊子天下

一尺之棰日取其半萬世不竭莊子天下

熊之搏擊必先伏而後動故分威法伏熊鬼谷子本經陰符註

未見形圓以道之既形方以事之鬼谷子反應

人莫不貴其所有而賤其所短然而皆溺其所貴而

極其所賤所貴者有形所賤者無朕也故虎豹之強

來射獲狻之捷來措人能貴其所賤賤其所貴可與

言至論矣淮南子詮言訓

王良善御伯樂知馬周旋步驟行中規矩焦氏易林

初一赤卉方銳利進以退測曰赤卉方銳退以動也

太玄經第三而矣

天下事有不可知猶結有不可解也兒說善解結結

無有不可解結有不可解兒說不能解也非兒說不

能解也結有不可解及其解之用不能也聖人知事

事無不可知事有不可知聖人不能知非聖人不能

知事有不可知及其知之用不知也王充論衡實知篇

抱薪赴火燥者先燃平地注水濕者先濡此類相應

也智者不用其所短而用愚人之所長也不用其所

拙而用愚人之所巧也意林鬼谷子

善論者不恥謝善戰者不羞走藝文類聚治政部論政表

雖畜銳以將取必居謙以自牧譬猛獸之將擊亦俛

耳而固伏

藝文類聚巧藝部圍棋

乘船曲折不失其瀆是善乘舟者

太平御覽舟部敘舟中

善吏如良鷹下鞫即中

太平御覽職官部功曹參軍

裴氏新書曰虎豹無事行步者若將不勝其軀鷹在

眾鳥之間若睡寐然故積怒而後全剛生焉

埤雅品物門鷹

禽經曰鷺啄則絲偃鷹捕則角弭藏殺機也

埤雅品物門鷺

病有在毫毛腠理者有在皮膚者有在肌肉者有在

脉者有在筋者有在骨者有在髓者是故刺毫毛腠

理無傷皮皮傷則內動肺肺動則秋病温瘧泝泝然

寒慄刺皮無傷肉肉傷則內動脾脾動則七十二日

四季之月病腹脹煩不嗜食刺肉無傷脉脉傷則內

動心心動則夏病心痛刺脉無傷筋筋傷則內動肝

肝動則春病熱而筋弛刺筋無傷骨骨傷則內動腎

腎動則冬病脹腰痛刺骨無傷髓髓傷則銷鑠胘酸

體解依然不去矣

黃帝素問內經刺要論

徐而疾則實者徐出鍼而疾按之疾而徐則虛者疾

出鍼而徐按之

黃帝素問內經鍼解論

五藏者故得六府與為表裏經絡支節各生虛實其

病所居隨而調之病在脉調之血病在血調之絡病

在氣調之衛病在肉調之分肉病在筋調之筋病在

骨調之骨

黃帝素問內經調經論

病在上者下取之病在下者高取之病在頭者取之足病在足者取之臑病生於頭者頭重生於手者臂重生於足者足重治病者先刺其病所從生者也

黃帝

素問靈樞經終始

病之始起也可刺而已其盛可待衰而已故因其輕而揚之因其重而減之因其衰而彰之形不足者溫之以氣精不足者補之以味其高者因而越之其下者引而竭之中滿者瀉之於內其有邪者瀆形以為汗其在皮者汗而發之其慄悍者按而收之其實者

散而瀉之

黃帝素問內經陰陽應象大論

岐伯曰清者其氣滑濁者其氣澹此氣之常也故刺陰者深而留之刺陽者淺而疾之清濁相干者以數

調之也

黃帝素問靈樞經陰陽清濁

譬如水火知用之者可以養生不能用之者立可死

矣

養性延命錄御女損益篇

譬如明智人善能用於火成熟種種味不為火所燒

大寶積經卷三十一

譬如有人手執金刀若不善解執持自當損害

蘇婆呼童

子經卷下

木人事

卷三十一善

用

猶人求火以槁木爲母以燥鑽鑽彼人如是爲得火
不答曰得也所以者何彼以燥鑽鑽於槁木是故必

得中阿含經卷二十

譬朽木之爲舟乃濟度之津要何虛費之有哉弘明集釋

駁論

夫刃之有利砥礪之功故能水截蛟螭陸斷兕虎若

窮利盡用必摧其鋒鏑化成鈍刃弘明集九

譬如藥師或以良藥或以毒藥治人病也佛亦如是

以煩惱如佛以愛度難陀以瞋恚化惡龍比也羅什譯

薩行記經品

喻林卷三十三終





喻林卷三十四



宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門 三十二

用長

魯連謂孟嘗君曰猿獼猴錯木據水則不若魚鼈歷險乘危則騏驥不如狐狸曹沫奮三尺之劍一軍不能當使曹沫釋其三尺之劍而操鉞耨與農夫居壠畝之中則不若農夫故物捨其所長之其所短堯亦



有所不及矣

戰國策齊閔王

知士無思慮之變則不樂辯士無談說之序則不樂

察士無凌誅之事則不樂皆囿於物者也

莊子徐無鬼

介蟲之捍也必以堅厚螫蟲之動也必以毒螫故禽

獸知用其長而談者知用其用也

鬼谷子權篇

類不可兩也故知者擇一而一焉農精於田而不可

以為田師賈精於市而不可以為賈師工精於器而

不可以為器師有人也不能此三技而可使治三官

曰精於道者也精於物者也精於物者以物物精於

道者兼物物

荀子解蔽

介蟲之動以固貞蟲之動以毒螫熊羆之動以攫搏

兕牛之動以觝觸物莫措其所修而用其所短也

淮南

子說山訓

物各有短長謹愿敦厚可事主不施用兵騏驥駉駉

足及千里置之宮室使之捕鼠曾不如小狸干將為

利名聞天下匠以治木不如斤斧今持楫而上下隨

流吾不如子說千乘之君萬乘之主子亦不如我矣

說苑雜言

夫使孫吳荷戈一人之力耳用其計術則賢於萬夫

今令大儒為吏不必切事肆之山林則能陶冶童蒙

闡弘禮敬

抱朴子外篇逸民

韜光

用九天德不可為首也

易乾

明入地中明夷君子以莅眾用晦而明

易明夷

囊所以貯物以譬心藏知也閉其知而不用故曰括

囊

周易正義坤

夫立功立事者國之厚益而身之表的也表高的明

雖婦人猶欲彎弓而況當塗之士是以君子慎之

春秋

正義襄公二十九年

白璧不可為容容多厚福

後漢書左雄列傳

志凌青雲之上身晦泥汙之下

後漢書高鳳傳

輅言酒不可極才不可盡吾欲持酒以禮持才以愚

何患之有也

魏志管輅傳註

銜美非所罕有常安韜奇擇居故能全性

晉書陸機列傳

欲溫溫而和暢不欲察察而明切也欲混混若玄流

不欲蕩蕩而名發也欲索索而條解不欲契契而繩

結也欲苾苾而無垠不欲區區而分別也欲闇然而

內章不欲示白若冰雪也欲醇醇而任德不欲瑣瑣

而執法也

晉書皇甫謐傳

龍潛鳳戢和光同塵若使負日月而行則無繼天之

俞木人事

卷三十一

韜光

三

業矣

晉書慕容超記

言高一世處之逾嘿器重一時體之茲冲

宋書顏延之傳

夫天地不自明故能長生聖人不自明故能名彰

太公

六韜文啓

曲則全枉則直窪則盈弊則新少則得多則惑是以

聖人抱一為天下式

老子益謙

知其雄守其雌為天下谿為天下谿常德不離復歸

於嬰兒知其白守其黑為天下式為天下式常德不

忒復於無極知其榮守其辱為天下谷為天下谷常

德乃足復歸於樸

老子反朴

夫春氣發而百草生正得秋而萬寶成夫春與秋豈

無得而然哉大道已行矣吾聞至人尸居環堵之室

而百姓猖狂不知所如往今以畏壘之細民而竊竊

焉欲俎豆于賢人之間我其杓之人耶

莊子廣桑楚

有暖姝者有濡需者有卷婁者所謂暖姝者學一先

生之言則暖暖姝姝而私自說也自以為足矣而未

知未始有物也是以謂暖姝者也濡需者豕蟲是也

擇䟽鬣自以廣宮大囿奎蹄曲隈乳間股脚自以為

安室利處不知屠者之一旦鼓臂布草操烟火而已

與豕俱焦也此以域進此以域退此其所謂濡需者

也。卷婁者，舜也。羊肉不慕，蟻蟻慕羊肉，羊肉羶也。舜有羶行，百姓悅之，故三徙成都，至鄧之墟，而十有萬家。堯聞舜之賢，舉之童土之地，曰：冀得其來之澤。舜舉乎童土之地，年齒長矣，聰明衰矣，而不得休歸，所謂卷婁者也。莊子徐無鬼

吳王浮於江，登乎狙之山，衆狙見之，恂然棄而走，逃於深莽。有一狙焉，委蛇攫抓，見巧乎王，王射之，敏給搏捷，矢王命相者趨射之，狙執死。王顧謂其友顏不疑曰：狙也，伐其巧恃其便，以敖予，以至此殛也。戒之哉！嗟乎！無以汝色驕人哉！顏不疑歸而師董梧，以

鋤其色去樂辭，顯三年而國人稱之。

莊子徐無鬼

奮於言者，華奮於行者，伐色知而有能者，小人也。

荀子

子道篇

星列於天而明，故人指之，義列於德而見，故人視之，人之所指，動則有章，人之所視，行則有迹，動有章則詞行有迹，則議故，聖人揜明於不形，藏迹於無爲。淮南

子詮言訓

舌之與齒，孰先礪也？錐之與刃，孰先弊也？繩之與矢

孰先直也？

淮南子說林訓

中不方，名不章，外不園，禍之門。

說苑談叢

亦木人事

卷三十一 日 韜光

五

雄聖伏名人匿麟遠

焦氏易林
剝之臨

初一昆于墨不知白

太玄經
第四昆

陽不陰無與合其施經不緯無以成其誼明不晦無

以別其德

太玄經
太玄經

何以知其聾也以其聽之聰也何以知其盲也以其

視之明也何以知其狂也以其言之當也夫言當視

聽聰明而道家謂之狂而盲聾

王充論衡
寒、溫篇

至人嘿韶夏而韜藻稅奮其六羽於五域之墟而不

煩銜蘆之衛翳其鱗角乎勿用之地而不恃曲穴之

備

抱朴子內
篇暢玄

行龍姿於虺蜥之中卷鳳翅乎斥鷃之羣

抱朴子外
篇傳喻

熊羆不校捷於狐狸金鷲不競擊於小鷄是以張耳

掩壯於抱關朱亥竄勇於鼓刀

抱朴子外
篇廣譬

准陰隱勇於跨下不損其龍躍而虎視也應侯韜奇

於溺簣不妨其鸞翔而鳳起也或南面稱孤或宰總

台鼎故一抑一揚者輕鴻所以凌虛也乍屈乍伸者

良才所以俟時也

抱朴子外
篇廣譬

若使行如踏冰身如居陰動無遺蹤可尋靜與無爲

爲一豈有斯患乎又况乎揭日月以隱形骸擊建鼓

以徇利器者哉

抱朴子外
篇知止

吐聲則餘音見法移足則遺迹見擬可謂善擊建鼓

而當揭日月者耳非真隱也

抱朴子斗篇正郭

名者影響也影響者形聲之桎梏也

郭子註莊德充符

物各自守其分則靜默而已無雄白也夫雄白者尚

勝自顯豈非逐知過分以殆其生耶

郭子註莊天下

夫含奇佩美銜異露才者未有不以此傷性毀命者

也是故翠以羽自殘龜以智自害丹以含色磨肌石

以抱玉碎質此四者生於異俗與人非不隔也託性

於山林寄情於物外非有求於人也然而自貽伊患

者未能隱其形也若使翠斂翮於明丘之林則解羽

之患永脫龜曳尾於暘谷之泥則鑽灼之悲不至丹

伏光於春山之底則磨肌之患永絕石亢體於玄圃

之崑則剖琢之憂不及

劉子韜光

窮巖曲岫之梓櫟生於積石穎貫青天根鑿黃泉分

條布葉輪菌磔確騏驎戲其下鷓鴣遊其顛浮雲棲

其側清風激其間終歲無毫釐之憂免刀斧之害者

非與人有德也能韜隱其質故致全性也路側之榆

樵人採其條匠者伐其柯餘有尺葉而為行人所折

者非與人有讎也然而致寇者形不隱也周雞斷尾

獲免於犧牲山狙見巧終必招害由此言之則出處

之理亦可知矣

劉子韜光

堯之讓位于許由也由以告巢父焉巢父責由曰汝何不隱汝光何故見若身也

李善註文選蔡伯喈郭有道碑文

天台山者蓋山嶽之神秀也涉海則有方丈蓬萊登陸則有四明天台皆玄聖之所遊化靈仙之所窟宅夫其峻極之狀嘉祥之美窮山海之瓌富盡人神之壯麗矣所以不列於五嶽闕載於常典者豈不以所立冥與其路幽迥舉世罕能登涉王者莫由禋祀故事絕於常篇名標於奇紀然圖像之興豈虛也哉非夫遺世翫道絕粒茹芝者烏能輕舉而宅之非夫寄

遠冥搜篤信通神者何肯遙想而存之

文選遊天台賦序

專用聰明則功不成專用晦昧則事必悖一明一晦

衆之所載

意林尹文子

鬼谷先生不知何許人也隱居韜智居鬼谷中因以為稱蘇秦張儀師之遂立功名先生遺書責之曰若二君豈不見河邊之樹乎僕御折其枝波浪盪其根上無徑尺之陰身被數千之痕此木豈與天地有仇怨所居然也子不見嵩岱之松柏華霍之檀桐乎上枝干於青雲下根通於三泉千秋萬歲不受斧斤之患此木豈與天地有骨肉哉蓋所居然也

藝文類聚人部隱逸

常問作人當如園圃之藍不異眾草深而後朗然不

可如唐棣之華灼灼自顯藝文類聚

太公曰知與眾同者非人師也大知似狂不癡不狂

其名不彰不狂不痴不能成事太平御覽疾

堯聘許由為九州長由聞洗耳於河巢父見謂之曰

豫章之木生於高山工雖巧而不能得子避世何不

藏深太平御覽

古語云上士閉心中士閉口下士閉門困學紀聞

夫龍不隱鱗鳳不藏羽網羅高懸去將安所何氏語

言行者治身之獄也時和先後大命之所屬也是以

君子之立身也如喑如聾若樸若質道德經指

聖人智慧光明與日月而齊照而韜光晦迹共凡智

相和道德經註

海之所以稱大者由無皦潔之清道之所以稱晦迹

者以無赫然之觀弘明集

適當

乾之為德大明曉乎萬物終始之道始則潛伏終則

飛躍可潛則潛可飛則飛周易正義

體雖備但設之不當則不成人則設禮不當亦不成

禮猶人體之不當也

禮記正義禮器

王肅曰舞雖奮疾而不失節若樹木得疾風而不拔

史記樂書註

臣之里婦與里之諸母相善也里婦夜亡肉姑以爲盜怒而逐之婦晨去過所善諸母語以事而謝之里母曰女安行我今令而家追女矣卽束緼請火於亡肉家曰昨暮夜犬得肉爭鬪相殺請火治之亡肉家遽追呼其婦故里母非談說之士也束緼乞火非還婦之道也然物有相感事有適可前漢書蒯通傳夫成軸之多也其處大也不究其入小也不塞猶跡

求履之憲也夫焉有不適善

管子宙合

聖人大言金石小言桔梗芣苢用之當桔梗芣苢生

之不當金玉斃之

關尹子九藥

田開之見周威公威公曰吾聞祝腎學生吾子與祝腎遊亦何聞焉開之曰聞之夫子曰善養生者若牧羊然視其後者而鞭之魯有單豹者岩居而水飲不與民共利行年七十而猶有嬰兒之色不幸遇餓虎餓虎殺而食之有張毅者高門縣薄無不走也行年四十而有內熱之病以死豹養其內而虎食其外毅養其外而病攻其內此二子者皆不鞭其後者也

莊子

達生

子墨子與程子辨稱於孔子程子曰非儒何故稱於孔子也子墨子曰是亦當而不可易者也今鳥聞熱旱之憂則高魚聞熱旱之憂則下當此雖禹湯為之謀必不能易矣鳥魚可謂愚矣禹湯猶云因焉今翟曾無稱於孔子乎墨子入公孟謂彼而彼不唯乎彼則彼謂不行謂此而此不唯乎此則此謂不行其以當不當也不當而當亂也故彼彼當乎彼則唯乎彼其謂行彼此此當乎此則唯乎此其謂行此其以當而當也以當而當正也公孫龍子名實

論

不問而告謂之傲問一而告二謂之嘖傲非也嘖非

也君子如嚮矣

荀子勸學篇

張網而司之彼獸自得道合其事彼理自出

鬼谷子反應註

道譬諸若水溺者多飲之即死渴者適飲之則生譬之若劍戟愚人以行忿則禍生聖人以誅暴則福成

韓非子解老

不吹毛而求小疵不洗垢而察難知不引繩之外不

推繩之內不急法之外不緩法之內

韓非子大體

辨而不當論信而不當理勇而不當義法而不當務

命木人事

卷三十四

適當

十一

惑而乘驥也狂而操吳干將也大亂天下者必此四者也

呂氏春秋當務

聖人之行無所合無所離譬若鼓無所與調無所不

比絲管金石小大修短有敘異聲而和君臣上下官

職有差殊事而調

淮南子繆稱訓

四肢之各有處如四時寒暑不可移若肢體肢體移

易其處謂之壬人寒暑移易其處謂之敗歲喜怒移

易其處謂之亂世

春秋繁露陽尊陰卑

黃帝問曰願聞刺要岐伯對曰病有浮沉刺有淺深

各至其理無過其道過之則內傷不及則生外壅壅

則邪從之淺深不得反為大賊內動五臟後生大病

黃帝素問內經刺要論

刺骨無傷筋者鍼至筋而去不及骨也刺筋無傷肉

者至肉而去不及筋也刺肉無傷脈者至脈而去不

及肉也刺脈無傷皮者至皮而去不及脈也

黃帝素問內經

刺齊論

五藏有俞六府有合循脈之分各有所發各隨其過

則病瘳也

黃帝素問內經痺論

夫御體失性則疾病生輔物失真則疵釁作

道德經註

如苗成實無有入處

金剛三昧經卷下

猶如力士捉蠅太緩蠅便飛去

中阿含經卷十七

猶如力士捉蠅太急蠅即便死

中阿含經卷十七

行法如是相應故如人冷病服熱藥

三昧法門經卷下

行法如是相應故如人熱病服冷藥

三昧法門經卷下

法行如是相應故如人病風服膩藥

三昧法門經卷下

譬如嚴身之具雖復富有珠璣不可重著瓔珞

大智度論

卷二十九

譬如近火止寒則樂轉近燒身則苦

百論卷上守入

如渴者飲河挹洪流以盈已豈須窮源於崑山哉

明弘

集明佛論

量力

小才不能濟難事同小狐雖能渡水而無餘力必須

水汽方可涉川

周易正義未濟

宛然翅小者是彼鳴鳩之鳥也而欲使之高飛至天

必不可得也興才智小者幽王身也而欲使之行化

致治亦不可得也

毛詩正義小宛

洪體乏進趣之才偶好無為之業假令奮翅則能凌

厲玄霄騁足則能追風躡景猶欲戢勁翮於鷦鷯之

羣藏逸迹於跛驢之伍豈况大塊稟我以尋常之短

羽造化假我以至駑之蹇足自卜者審不能者止又

豈敢力蒼蠅而慕冲天之舉策跛鼈而追飛兔之軌
飾嫖母之篤陋求媒陽之美談推沙礫之賤質索干

金於和肆哉

晉書葛洪傳

言輕落毛身如橫芥

宋書文九王建平傳

負重致遠力窮則困竭誠事君智盡必傾

南齊書虞玩之傳

猶深泉之短綆若高墉而無基

梁書張緬第續傳

三歲犢豈勝重載

魏書莫題傳

引弓之力不能引彊弩弩力五石引以三石筋絕骨

折不能舉也故力不任彊引則有變惡折脊之禍知

不能用賢則有傷德毀名之敗

王充論衡效力篇

夫螳螂之怒臂非不美也以當車轍顧非敵耳今知
之所無奈何而欲彊當其任即螳螂之怒臂也

郭子註莊

世人間

在木闕不材之資處鴈乏善鳴之分

文選盧諶贈劉琨詩引

疲弱謝凌遽取累非纏牽

文選顏延年應詔詩

寧與鷲雀翔不隨黃鵠飛黃鵠遊四海中路將安歸

文選阮籍詠懷詩

駿足思長阪柴車畏危轍

文選陸厥答希叔詩

潢汗之水願朝宗而每竭鴛蹇之乘希沃若而中疲

文選謝朓辭隋王箋

喻木人事

卷三十一 量力

十一

密雲雖興知枯木難植

藝文類聚人部隱逸下書

木非梧桐豈敢栖鳳

藝文類聚人部隱逸下書

知美錦之難裁處芬絲而易結

藝文類聚人部贈答賦

卞賞珍於連城孫別駿於千里彼珍駿以貽愛此陋

容其敢擬

藝文類聚人部哀傷賦

叩而必應已謝懸鍾汲而無竭復垂井養

藝文類聚雜文部書

竊惟玄素未辯必謬朱紫之察規矩或昧理喪方圓

之功

藝文類聚職官部吏部尚書表

如以駑蹇之才不致問於千里瓦礫之質何待價於

十城

藝文類聚職官部尚書令表

油雲湛露從降旻昊之德弱縞輕蟬不載丘嶽之重

藝文類聚職官部尚書令表

百舍之趙非宿春所資千里之越豈一葦能泝何者

裝輕適於路遠舟弱疲於濟深醜貌悴容不藉鑒於

淄水駑足蹇步終取躓於鹽車

藝文類聚職官部尚書表

權衡既懸錙銖靡遁厲駑習驥終莫之近

藝文類聚職官部僕

射表

生輕飛稗品細疏壤

藝文類聚職官部吏部郎表

器均濩落材同擁腫

藝文類聚職官部吏部郎啓

以偽假實條不勝華

藝文類聚職官部刺史表

俞木人事

卷三十四 量力

十五

自憐袖短雖內手而猶寒藝文類聚

井深繩短水無由得本緣經月

譬如小火不能熱大海三昧法門

譬如螽蟄振羽不能蕩海搖山大乘莊嚴

譬如螽翅風不動須彌海大乘莊嚴

趨時

九四或躍在淵易乾

凡彼濟者必不怠觀彼聖人必趨時汲冢周書

成王之時萬民樂治田業將耕先始芟柞其草木土

氣蒸達而和耕之則澤澤然解散於是耘除其根株

輩作者寸耦言趨時也鄭氏箋

歲云秋矣我落其實而取其材左傳僖公十五年

從時者猶救火追亡人也蹶而趨之唯恐弗及國語

諺有之曰觥飯不及壺餐今歲晚矣子將柰何國語

希寫曰臣以為今世用事者不如商賈建信君勃然

曰足下卑用事者而高商賈乎曰不然夫良商不與

人爭買賣之賈而謹司時時賤而買雖貴已賤矣時

貴而賣雖貴已賤矣戰國策趙

趨時若猛獸驚鳥之發故曰吾治生產猶伊尹呂尚

之謀孫吳用兵商鞅行法是也史記貨殖傳

力耘數耘收穫如寇盜之至

前漢書食貨志

夫欲千里而咫尺未發蒙竊惑焉故英人乘斯時也

猶逸禽之赴深林蝨蚋之趨大沛

後漢書崔駰列傳

斯人而遇斯時不因扶搖之勢而與鷦雀飛沉豈不

惜哉

魏書崔玄伯傳

夫善用本者若以身濟於大海觀風之所起天下高

則高天下下則下天高我下則財利稅於天下矣

管子

地數

時之處事精矣不可藏而舍也故曰今日不為明日

亡貨昔之日已往而不來矣

管子乘馬

時之反側間不容息先之則太過後之則不逮夫日

回而月周時不與人游故聖人不貴尺之璧而重寸

之陰時難得而易失也禹之趨時也履遺而弗取冠

挂而弗顧非爭其先也而爭其得時也

淮南子原道訓下

聖人之舉事也進退不失時若夏就絺綌上車授綏

之謂也

淮南子繆稱訓

聖人者隨時而舉事因資而立功涔則具擢對旱則

修土龍

淮南子說林訓

終日乾乾以陽動也夕惕若厲以陰息也因日以動

因夜以息唯有道者能行之

淮南子人間訓

周制曰先時者死無赦不及時者死無赦人習事而固人之事使如耳目鼻口之不可相錯也韓詩外傳

夫神蛟濟於淵而鳳鳥乘於風聖人因於時新序善謀十

不風不雨白日皎皎宜出驅馳通理大道焦氏易林乾之泰

晨風文翰隨時就溫焦氏易林豫之咸

四馬過隙時難再得焦氏易林蠱之遯

改柯易葉飯溫不食焦氏易林睽之屯

辰乎辰曷來之遲去之速也君子競諸楊子問明篇

農勤於朝女勤於宵宵必顧杼朝必望雨言得時毋

怠也天祿閣外史繼立

諺曰荷鋤候雨不如決渚言時不可緩也天祿閣外史出處

人事當在後趨時當居先淮南子原道訓解

傾蓋承芳訊欲鳴當及晨文選長安有狹邪行

譬彼伺晨鳥揚聲當及旦文選陸機擬古詩

先謀後事者昌先事後謀者亡且天與不取反受其

咎時至不行反受其殃非時而生是謂妄成故夏條

可結冬冰可釋時難得而易失也意林太公金匱

猶如赦鼓開門放囚鼓音漸已欲止門扉已閉一扉

豈可自寬不求出獄思惟要略法

順時

升降无常隨時而用處則乘潛龍出則乘飛龍王弼註易

時之行也順至無逆為天下者用大略汲冢周書周祝解

日之出也物始生長人當順其生長致力耕耘日之

入也物皆成熟人當順其成熟致力收斂東方之官

當恭敬導引日出平秩東作之事使人耕耘西方之

官當恭敬從送日入平秩西成之事使人收斂日之

出入自是其常但由日出入故物有生成雖氣能生

物而非人不就勤於耕稼是導引之勤於收藏是從

送之尚書正義堯典

標有梅男女及時也召南之國被文王之化男女得

以及時也毛詩標有梅

魚之性寒則逃於淵溫則見於渚喻賢者世亂則隱

治平則出在時君也鄭氏箋詩鶴鳴

獺祭魚然後虞人入澤梁豺祭獸然後田獵鳩化為

鷹然後設罝羅草木零落然後入山林昆蟲未蟄不

以火田禮記王制

天為剛德猶不干時况在人乎左傳文公五年

雖鞭之長不及馬腹天方授楚未可與爭雖晉之強

能違天平左傳宣公十五年

命木人事八
三十一日順時
十一

天之所支不可壞也其所壞亦不可支也國語

日中則移月滿則虧物盛則衰天地之常數也進退

盈縮與時變化聖人之常道也史記蔡澤傳

且君子得其時則駕不得其時則蓬蓰而行史記老莊傳

善言天者必有效於人設上農夫而欲冬田肉袒深

耕汗出種之然猶不生者非人心不至天時不得也

前漢書李尋傳

良醫不能救無命強梁不能與天爭故天之所壞人

不得支後漢書蘇竟列傳

當其有事也則蓑笠並載環甲揚鋒不給於務當其

無事也則舒紳緩佩鳴玉以步綽其餘裕後漢書蔡邕列傳

當其有事則褰裳濡足冠挂不顧人溺不拯則非仁

也當其無事則躡纓整襟規矩其步德讓不修則非

忠也後漢書崔駰列傳

能扶陽以出順陰而入春發其華秋收其實後漢書崔駰傳

道隱則蠖屈數感則鳳覩晉書庾闡傳

離光夜隱望舒晝戢羽族翔林蠖蛸赴濕晉書束皙傳

夫昏明相襲晷景之恒度春秋遞運時歲之常序求

諸天數猶且隆替矧伊在人能無終謝南齊書高帝本紀

春采生秋采斂夏處陰冬處陽此言聖人之動靜開

闔詘信淫儒取與之必因於時也時則動不時則靜

管子
宙合

養長時則六畜育殺生時則草木殖政命時則百姓

一賢良服

荀子王
制篇

聖人論事之局曲直與之屈伸偃仰無常儀表時屈

時伸卑弱柔如蒲葦非攝奪也剛強猛毅志厲青雲

非本矜也以乘時應變也

淮南子
汜論訓

使天下荒亂禮義絕綱紀廢彊弱相乘力征相攘臣

主無差貴賤無序甲冑生蟣虱燕雀處帷幄而兵不

休息而乃始服屬吏之貌恭儉之禮則必滅抑而不

能興矣天下安寧政教和平百姓肅睦上下相親而

乃始立氣矜奮勇力則必不免於有司之法矣是故

聖人者能陰能陽能弱能彊隨時而動靜因資而立

功物動而知其反事萌而察其變化則為之象運則

為之應是以終身行而無所困

淮南子
汜論訓

天地陰陽盛長之時猛獸不撻鷙鳥不搏蝮蠱不螫

鳥獸蟲蛇且知應天而况人乎哉

說苑
修文

秋蛇向穴不失其節

焦氏易林
豫之兌

秋南春北不失消息

焦氏易林
臨之井

秋南春北隨時休息

焦氏易林
兌之大畜

龍蟠於泥蚘其肆矣蚘哉蚘哉惡覩龍之志也歟或曰龍必欲飛天者乎曰時飛則飛時潛則潛既飛且潛食其不妄形其不可得而制也歟曰聖人不制則何為乎姜里曰龍以不制為龍聖人以不制為聖人

揚子問神

朱鳥翺翺歸其肆矣或曰奚取於朱鳥哉曰時來則

來時往則往能來能往者朱鳥之謂歟揚子問明

或問君子在治曰若鳳在亂曰若鳳或人不論曰治

則見亂則隱鴻飛冥冥弋人何篡焉鷦明蓬集食其

潔者矣揚子問明

或曰龍何可以貞利而亨曰時未可而潛不亦貞乎

可而升不亦利乎潛升在已用之以時不亦亨乎揚子問明

問明

自古或有能違父母之命者未有能違陰陽之變而

距晝夜之節者也郭子註莊大宗師

隨時之義義之大者治見亂隱鳳之德也揚子法言註問明篇

龍驤虯屈從道汗隆文選劉峻廣絕交論

聖人懷明道而闡風化如龍虯之驤屈蓋從道之汗

隆也李善註文選劉孝標廣絕交論

子路問於孔子曰有人於此被褐而懷玉何如子曰

國無道可也國有道則衆冕而執玉也李善註文選阮嗣宗詠懷詩

佇重淵以育鱗撫慶雲而遐飛文選陸士衡弔魏武帝文

蠖屈固小往龍翔迺大來文選潘尼贈王元凱詩

上古之時草居霜宿冬則山南夏則山北意林風俗通

春以長矛在前夏以大戟在前秋以弓弩在前冬以

刀盾在前此行軍四時應天法也意林抱朴子

安知非日月弦望自有時藝文類聚人部別上詩

春鷓始轉必具籠筐秋蟀載吟竟鳴機杼藝文類聚治政部善政碑

鵲上高城危而巢於高枝之巔城壞巢折凌風而起

故君子之居世也得時則蟻行失時則鵲起藝文類聚鳥部

夏令披裘冬令披褐雖有嚴令終不肯從者逆時也

太平御覽時序部冬下

風不輟則扇不用日不出則燭不息太平御覽服用部扇

龍潛之水乘雲躍鱗虎嘯之聲因風奮烈達則振纓

朝堂窮則身親南畝太平御覽鱗介部龍上

國語曰辰角見而雨畢天根見而水涸雨畢而除道

水涸而成梁埤雅天道門八月

介木人事卷三十一日順時

三三

三皇垂策五帝繁手唐虞按轡禹湯馳轅

埤雅品物門職

天下有道我韍子佩天下無道我負子戴

困學紀聞卷十諸子

人生厲心立行貴於見知當使夕脫羊裘朝佩珠玉

若時不我知便須退跡江海自求其志

何氏語林言志

書緯老靈耀云主春者鳥星昏中可以種稷主夏者

心星昏中可以種黍主秋者虛星昏中可以種麥主

冬者昴星昏中則入山可以具器械王者南面而坐

視四星之中而知民之緩急

玉海天文天文書上

持脉有道虛靜為保春日浮如魚之遊在波夏日在

膚泛泛乎萬物有餘秋日下膚蟄蟲將去冬日在骨

蟄蟲周密

黃帝素問內經脉要精微論

來春當大饑今秋不食黃鍾應寒蕤賓重裘備預雖

早不免於愚

弘明集牟子理惑論



卷三十四

喻林卷三十五

宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 三十三

待時

雲上于天需君子以飲食宴樂 易需

九四歸妹愆期遲歸有時象曰愆期之志有待而行

也 易歸妹

隼者禽也弓矢者器也射之者人也君子藏器於身

待時而動何不利之有易上繫

此人不得進仕伐檀隱居以待可仕之世若待河水清且漣漪然也河水性濁清則難待猶以闇主常多

明君稀出毛詩正義伐檀

雖有智慧不如乘勢雖有鎡基不如待時孟子公孫丑上

子貢曰有美玉於斯韞匱而藏諸求善賈而沽諸子

曰沽之哉沽之哉我待賈者也論語子罕

賓又不聞和氏之璧韞於荆石隋侯之珠藏於蚌蛤

虜歷世莫眡不知其將含景耀吐英精曠千載而流

夜光也應龍潛於潢汙魚鼃媒之不覩其能奮靈德

合風雲超忽荒而踈顛蒼也故泥蟠而天飛者應龍

之神也先賤而後貴者和隋之珍也昔闇而久章者

君子之真也前漢書叙傳上

夫懷寶者須世抱璞者待時後漢紀孝桓上

夫河伯以水為城國魚鼈為民庶水盡魚枯豈不欲

雨自是不能致也後漢書周舉列傳

駿驥骨法異伯樂觀知之但當養羽翮鴻舉必有期

魏志劉邵傳註

龍鳳隱耀應德而臻明哲潛道俟時而動是以鸞鷲

鳴岐周道隆興四皓為佐漢帝用康魏志管寧傳

含奇謨於朱唇握神策於玉掌逍遙川嶽之上以俟

真人之求

晉書孫惠傳

夔屈以待龍甲之會潛蟠以俟風雲之期

晉書桓温傳

凡人取果宜待熟時不撩自落

北齊書陸法和傳

君子之有智能猶鸞鳳之有文采俟時而振羽翼何

患不出雲霞之上

南史范泰子日華傳

有湯武之賢而無桀紂之時不成有桀紂之時而無

湯武之賢亦不成聖人之見時若步之於影不可離

水凍方周后稷不種后稷之種必待春故人雖智而

不遇時無功方葉之茂終日采之而不知秋霜既下

衆林皆羸事之難易不在小大務在知時鄭子陽之

難獬狗潰之齊高國之難失牛潰之衆因之以殺子

陽高國當其時狗牛猶可以爲人唱而况乎以人爲

唱乎

呂氏春秋首時

春氣至則草木產秋氣至則草木落產與落或使之

非自然也故使之者至物莫不爲使之者不至物無

可爲古人審其所以使故物莫不爲用

呂氏春秋義賞

桀紂雖不肖其亡遇湯武也遇湯武天也非桀紂之

不肖也湯武雖賢其王遇桀紂也遇桀紂天也非湯

武之賢也若桀紂不遇湯武未必亡也桀紂不亡雖

不肖辱未至於此若使湯武不遇桀紂未必王也湯武不王雖賢顯未必至於此故人主有大功不聞不肖亡國之主不聞賢譬之若良農辦土地之宜謹耕耨之事未必收也然而收者必此人也始在於遇時雨遇時雨天地也非良農所能為也呂氏春秋長改良馬非獨騏驥利劍非惟干將美女非獨西施忠臣非獨呂望今有馬而無王良之御有劍而無砥礪之功有女而無芳澤之飾有士而不遭文王道術蓄積而不舒美玉韞匱而深藏故懷道者須世抱璞者待

上陸子術事

聖人不先風吹不先雷毀不得已而動故無累淮南子說

山訓

淮南子說林訓

聖人之處亂世若夏暴而待暮桑榆之間逾易忍也

昏暮不行候且時明焦氏易林既濟之豫

畏昏潛處候時昭明卒遭白日為榮祿主

言眾人不知驥力以駕敗車則不肯進遇伯樂知其才力以車代之則至千里流名得也以言俗人不識

已志亦將遇明君建道流化垂功業也王逸註楚辭七諫

言蛟龍升天其形滉潏若水流縱橫轆轤遂乘雷電

而高舉以言已亦想遭明時舉而進用

王逸註楚辭九歎

玄鶴俊鳥也君有德則來無德則去若鸞鳳矣故師

曠鼓琴天下玄鶴皆銜明月之珠以舞也言已聽玄

鶴振音晨鳴乃於高岡之上峩峩之顛見有德之君

乃來下也以言賢者亦宜自安處以須明君禮敬已

然後仕也

王逸註楚辭九歎

五稼非春不生智者之功非時不成

呂氏春秋首時解

未春無可為生未秋無可為落使之者以其時生則

生時落則落

呂氏春秋義賞解

夫凌雲者泥蟠者也後伸者先屈者也是以神龍以

為德尺蠖以求伸

曹子建自試表

良農不患疆場之不修而患風雨之不節君子不患

道德之不建而患時世之不遇

徐幹中論爵祿

五玉不能自剖於嵩岫騰蛇不能無霧而電征龍淵

不能勿操而斷犀兕景鐘不能莫扣而揚洪聲金芝

須商風而激耀倉庚俟烟煴而修鳴騶駮不苟馳以

赴險君子不詭遇以毀名運屯則沉淪於勿用時行

則高竦乎天庭

抱朴子外篇任命

淇衛忘歸不能無絃而遠激振塵之音不能無器而

興哀超俗拔萃之德不能立功於未至之時

抱朴子外篇廣

縈曲之絃思繞梁以盡妙藏器之士候明時以效績

李善註文選陸士衡演連珠

應物有方居難則易藏器在身所乏者時是以充堂

之芳非幽蘭所難繞梁之音實縈絃所思文選陸機演連珠

望循塗而投軌溯朔風以理翮冀雲霧之可憑希天

路之開闢藝文類聚人部言志賦

蘭蕙含芬有時而馨龍驥踠足有時而征藝文類聚人部別不

賦

木槿夕死朝榮士亦不長貧也藝文類聚木部木槿書

飛龍可濟一作躋而乾爻在四常闇云叫而聞闔未聞

文苑英華請勸進及封岳行幸沈炯表

猶如諸國勤力農作得大耕牛良田平正無諸丘墟

惡蕪荒穢荆棘毒草於是良田唯希天雨海空智藏經洪獻品

夫以舍心之芟實俟夾鍾吐氣華陽陶隱居集

如華始生之時日光所照能令開不能開也何以

故以新生故善根未熟亦如是不得制戒何以故非

時節故文殊師和問經卷下

如種大麥及麻豆等芽始生時已堪用不不堪用也

何以故以未熟故一切衆生善根未熟亦如是不堪

制戒文殊師和問經卷下

如種穀未熟為可取不不可取也非時尚未有華何

况得米及以糠糲文殊師利問經卷下

若有士夫初得熱病不應與藥及餘眾治所以者何

時未至故要待時至然後乃治二處不知是則敗醫

是故病熟然後應治若未熟者要待時至大法鼓經卷下

如治癰師知癰已熟破出膿與藥而去若癰未熟是

則久住大智度論卷三

如穀草子在地中得時節而生不失不壞大智度論卷五

又如冬木雖未有華葉果實得時節會則次第而出

人智度論卷三十八

譬如癰瘡未熟醫則不破但以藥塗令熟則易破大智度論卷九十九

遇時

上九何天之衢亨易大畜

綠兮絲兮女音汝所治平聲兮詩國風綠衣

公孫弘卜式兒寬皆以鴻漸之翼困於燕雀遠迹羊

豕之間非遇其時焉能致此位乎○力田不如逢年

善仕不如遇合俱史記

信惟餓隸布實黥徒越亦狗盜芮尹江湖雲起龍襄

化爲侯王

前漢書叙傳述
韓彭英盧吳

連衡者六印磊落合從者駢組流離

後漢書
蔡邕傳

君子或因風雲之勢以建山岳之功乘日月之末光

以成一匡之業

後漢紀
光武七

遭春值聖受恩特隆越從朽壤蟬蛻朝中

吳志華
嚴傳

恣挹清露沐浴凱風

吳志華
嚴傳

蘭芷出荒野萬里升紫庭

晉書樂
志下

謀言協秋蘭清風發其芳洪澤所漸潤礫石爲珪璋

晉書樂
志下

在魏參席上之珍居晉爲幄中之士

晉書馮
統傳

黃犬之皮恐當終補狐裘也

晉書慕
容超傳

不患玄黎之不啓竊樂春英之及時

晉書王
接傳

姑臧謠曰鴻從南來雀不驚誰謂孤鷄尾翅生高舉

六翮鳳凰鳴

晉書張
軌傳

譬如日出之時向東皆逆

晉書徐
逸傳

霸王繼蹤猶朝日之升扶桑英豪接踵若夕月之登

濛汜

晉書赫連
勃勃記

非夫卜世與乾坤比長鴻基與山嶽齊固孰能本枝
於千葉重光於萬祀履寒霜而踰榮蒙重氛而彌耀

者哉

晉書赫連
勃勃記

玄雲起山嶽祥氣萬里會龍飛何婉婉鳳翔何翹翹

宋書樂四志

若足下可謂冠負日月籍踐淵海心支身首無不通

照宋書周朗傳

卵翼吹噓得升官秩宋書沈攸之傳

且曝鰓之鱗不念杯杓之水雲霄之翼豈顧籠樊之

糧何者所託已盛也梁書何敬容傳

顧盼增其倍價翦拂使其長鳴梁書任昉傳

自出守股肱入尸衡尺可以仰首伸眉論列是非者

矣梁書張紘弟纘傳

且為腹背之毛脫充鳴吠之數陳書蔡景歷傳

可謂日月出矣無幽不燭也魏書李彪傳

霑雲雨之餘潤照日月之末光隋書宇文慶傳史臣

不提生於弗器賤生於無所用中河失船一壺千金

貴賤無常時使物然鵠冠子學問

空拳握手委地更起富饒豐衍快樂無已焦氏易林乾之履

大禹戒路蚩尤除道周匝萬里不危不殆焦氏易林乾之剝

谷風布氣萬物出生萌庶長養華葉茂盛焦氏易林坤之乾

出於幽谷飛上喬木鼓其羽翼輝光照國焦氏易林坤之比

長男少女相向共語析薪在尅福祿歡喜焦氏易林坤之同人

冰將泮散鳴雁雍雍丁男長女可以會同

焦氏易林 豫之豫

黃玉溫德君子所服甘露溥暑萬物生茂

焦氏易林 蒙之觀

兩輪自轉南上大阪四馬共轅無有重難

焦氏易林 小畜之家

離載陽光天下昭明

焦氏易林 大有之臨

晨昏潛處候時煦煦卒逢白日為世榮主

焦氏易林 大有之中

孚

鴻鴈南飛隨陽休息轉送天和千里不衰

焦氏易林 蠱之離

駕龍騎虎周遍天下

焦氏易林 臨之履

御駢從龍至霍華東

焦氏易林 觀之漸

條風制氣萬物出生明庶長養花葉壯茂

焦氏易林 賁之小畜

沔泥生梁下田為王

焦氏易林 賁之革

東風解凍河川流通

焦氏易林 復之需

春生孚乳羽毛成就舉不失宜君臣相好

焦氏易林 復之漸

時乘六龍為帝使東達命宣旨無所不通

焦氏易林 離之離

駉牝龍身日取三千南上蒼梧興福為婚

焦氏易林 恒之鼎

芽蘖生達陽唱於外

焦氏易林 遯之兌

鎡基逢時稷契臯陶

焦氏易林 遯之既濟

騎龍乘鳳上見神公

焦氏易林 家人之剝

隨風騎龍與利相逢

焦氏易林 睽之離

六藝之門仁義俱存
茲基逢時堯舜為君焦氏易林

鄉歲逢時與生為期焦氏易林

啓蟄始生萬物美榮焦氏易林

春陽生草夏長條枝
萬物蕃滋充實益有焦氏易林

陽春生長萬物茂壯焦氏易林

和氣相薄膏潤津液
生我嘉穀焦氏易林

東風啓戶隱伏懽喜焦氏易林

雌鸞生鵬神異興起
乘雲龍騰民載為父焦氏易林

乘龍光土使暗後明焦氏易林

次二鳳鳥于飛修其羽
君子于辰終莫之圉測曰鳳

鳥于飛君子得時也太玄經

瞻彼榮寵譬諸雲霄蔡中郎集

春種穀生秋刈穀收
求物得物作事事成不名為遇

不求自至不作自成
是名為遇猶拾遺於塗撫棄於

野若天授地生鬼助
神輔王充論衡

人才無定珍器用無常
道進趨者以適世為奇役御

者以合時為妙故玄冰
結則五明捐隆暑熾則表鑪

退高鳥聚則良弓發
狡兔多則盧鵲走干戈與則武

夫奮韶夏作則文儒起抱朴子外

快若輕鴻之汎長風沛
若巨魚之縱大壑何異順風

而縱聲登峰而長矚

劉子通塞

屯雲雰雰

莫浮切

胡

同肅

絲

音幽

雷奮于

琴

音釐

龍躋于

傳曰雲雰雰氣生于水也胡絲絲月生于朔也雷奮

于琴躍于幽竅也龍躋于湫陞于深泉也

元包仲陽

春秋文耀鉤曰春致其時華實乃榮

李善註文選兩都賦

幸託不肖軀且當猛虎步

李善註文選陸士衡辨亡論

在於貧賤類乎泥滓縻之好爵同於濯漑

李善註文選劉孝標

廣絕交論

抑若春霆發響而驚蟄飛競潛龍浮景而幽泉高鏡

文選魏都賦

於時青陽告謝朱明肇授靡木不滋靡草不茂初莖

蔚其曜新陳柯槭

瑟

以改舊

文選射雉賦

洗洗衆賢千載一遇整轡高衢驤首天路

文選袁宏名臣序贊

夫未遇伯樂則千載無一驥時值龍顏則當年控三

傑

文選袁宏名臣序贊

日月光太清列宿曜紫微

文選傳長虞贈何邵王濟詩

驥躋踏於弊輦今遇孫陽而得代呂望窮困而不聊

生今遭周文而舒志

廣文選東方曼倩沈江

假翼鳴鳳條濯足升龍淵

文選陸士衡從梁陳詩

種葵北園中葵生鬱萋萋朝榮東北傾夕穎西南晞

零露垂鮮澤朗月耀其輝豐條並春盛落葉後秋哀

慶彼晚彫福忘此孤生悲文選陸士衡園葵詩

逸驥騰夷路潛龍躍洪波文選潘尼贈河陽詩

良田無晚歲膏澤多豐年文選曹植贈徐幹詩

振短翮與鸞鳳並翔文選沈休文和謝宣城詩註

如得龍躍天衢振翼雲漢揚聲紫微垂光虹蜺足以

昭近署之多士增四門之穆穆文選孔融薦禰衡表

夫蕭規曹隨留侯畫策陳平出奇功若泰山響若坻

隕雖其人之瞻智哉亦會其時之可為也文選揚子雲解嘲

奮躍淵塗跨騰風雲文選潘岳楊荊州詩

夫攀驪龍之髯撫翠禽之毛者而不得絕霞肆跨天

津者未之前聞也補文選郭璞客傲

援華英而不遑豈暇修枯籜於榛穢哉廣文選郗令先釋譏

慶雲興以招龍和風起而儀鳳誠巖穴耀穎之秋河

津託乘之日也廣文選陸士龍移太常府薦張瞻

天庭明兮雲霓藏三光朗兮鏡萬方斥蜥蜴兮進龜

龍策謀從兮翼機衡楚辭王逸守志

璧由識者顯龍因慶雲翔茨棘非所憇翰飛遊高岡

藝文類聚人部贈答詩

忽有一飛鳥五色雜英華一鳴衆鳥至再鳴衆鳥羅

木人事入卷三十五遇時

長鳴搖羽翼百鳥互相和

藝文類聚人部言志詩

寶珠出東國美玉產南荆隋侯曜我色卞氏飛吾聲

藝文類聚人部言志詩

按轡安行誰謂路長

藝文類聚雜文部詩

江籬生幽渚微芳不足宣被蒙風雲會移居華池邊

藝文類聚樂部論樂詩

澤蘭被荒徑孤芳豈自通幸逢瑤池曠得與金芝叢

藝文類聚樂部論樂詩

奪搏風之逸羽窮送日之遠路

藝文類聚職官部諸王碑

操檜楫於龍津荷梓梁於雲構

藝文類聚職官部錄尚書表

陳蘿故葛攀附不涯解角蛻鱗超踰非次

藝文類聚職官部太

子詹事啓

乘風鬱起化成龍翼

藝文類聚職官部僕射墓誌

值龍顏之鬱起乃憑風而矯翼指皇邑而南轅駕修

衢以騁力

藝文類聚居處部宅舍賦

東臯有一駿名曰千里駒絡首纏驥尾養以甘露芻

藝文類聚獸部馬詩

南山石鬼鬼松柏何離離上枝拂青雲中心十數圍

洛陽發中梁松樹竊自悲斧鋸截是松松樹東西摧

持作四輪車載至洛陽宮觀者莫不歎問是何山林

俞木人事

卷三十五 遇時

古

誰能刻鏤此公輸與魯班被之用丹漆薰用蘇合香

本自南山松今為宮殿梁藝文類聚木部栢歌

譬猶龍之未升與魚鼈為伍及其升天鱗不可覩文

類聚龍公孫洪
荅東方朔書

何期毳毛湮淪墜灑漳濱之水逸翮摩霄輕託蓬萊

之頂文苑英華尹義
尚勸諭上書

匠石迴顧朽材變於雕梁孫陽一言奔蹄成於駿馬

文苑英華庾信謝
文序并和詩啓

翼靈鳳於蒼梧起滯龍於潢汚初學記天部雲

當其潛光荆野抱璞未理衆視之以為石獨見分於

卞子曠千載以遐棄歎一朝而見齒為有國之偉寶

薦神祇於明祀豈連城之足云喜遭遇於知己初學記寶

器部
玉註

譬如大地至雨際時見上空中密雲含潤天將昏闇

漸降大雨陂湖池沼處處充溢大地原隰上下俱潤

密雲垂覆甘雨普洽令諸藥物卉木叢林枝葉花果

悉皆茂盛水陸山川香氣芬馥波羅密多經六百

如春陽月天降時雨樹木枝條而便出生大寶積經卷五十五

譬如夏月暑焦草木得霖雨時便復茂生五穀豐盛

脩行道地
經行空品

如雨潤種能令必生

大智度論卷十五

審時

或躍在淵進无咎也

易乾

或躍在淵自試也

易乾

冬寒夏燠雖有定時或夏須漸寒冬當漸熱雨足則思暘暘久則思雨草木春則待風而長秋則待風而

落皆是無定時也

尚書正義洪範

魚之性寒則逃於淵溫則見於渚喻賢者世亂則隱

治平則出

鄭氏箋詩鶴鳴

衛人迎新婦婦上車問驂馬誰馬也御曰借之新婦

謂僕曰拊驂無咎服車至門扶教送母曰滅竈將失

火入室見白曰徙之牖下妨往來者主人笑之此三

言者皆至言也然而不免為笑者蚤晚之時失也

戰國

策衛嗣君

墨子北之齊遇日者日者曰帝以今日殺黑龍於北

方而先生之色黑不可以北墨子不聽遂北至淄水

不遂而返焉

史記日者列傳註

旱極則水水極則旱故於旱時而預蓄舟水時預蓄

車以待其貴收其利也

前漢書貨殖傳註

龜鳳山翳霧露不除踴躍草萊祗見其愚

後漢書蔡邕傳

家鷄野鵠猶尚知時况於人乎

魏志管輅傳註

當其有事也則足非千里不入於輿刃非斬鴻不韜

於鞘是以駑蹇望風而退頑鈍未試而廢及其無事

也則牛驥共牢利鈍齊列而無長塗犀革以決之此

離朱與瞽者同眼之說也處守平之世而欲建殊常

之勳居太平之際而吐違俗之謀此猶却步而登山

鬻章甫於越也

晉書張載傳

大火猶西流而怪螫蟲之不藏也

晉書律歷志下

且女亦大早計見卵而求時夜見彈而求鴉炙

莊子齊物

論

宋之富賈有監止子者與人爭買百金之璞玉因佯

失而毀之負其百金而理其毀瑕得千鎰焉事有舉

之而有敗而賢其母舉之者負之時也

韓非子說林

高氏之璧夏后之璜揖讓而進之以合歡夜以投人

則為怨時與不時

淮南子說山訓

春貸秋賦民皆欣春賦秋貸眾皆怨得失同喜怒別

為其時異也

淮南子說山訓

見彈而求鴉炙見卵而求晨夜見贖而求成布雖其

理哉亦不病暮

淮南子說山訓

木方茂盛終日采而不知秋風下霜一夕而殫

淮南子說

使人無度河可中河使無度不可

淮南子說林訓

古者五帝貴德三王用義五霸任力今取帝王之道

而施之五霸之世是猶乘驥逐人於榛薄而蓑笠盤

旋也今霜降而樹穀冰泮而求穫欲其食則難矣

淮南

子人間訓

蝙蝠夜藏不敢晝行

焦氏易林豫之小畜

秋冬探巢不得鵲雛

焦氏易林觀之屯

春東夏南隨陽有功

焦氏易林離之困

狸首伏藏以夜為利

焦氏易林艮之大畜

子欲以儀秦之術行于成康之世猶鷹隼之羣而爭

於鸞鳳之林其不然亦明矣

天祿閣外史時勢

秋蠶不成冬種不生

焦氏易林旅之訟

春秋戰國以迄於今談兵者雲集角武者燦舉上則

折衝于帷幄下則覆軍而殺將當此之時禮樂無有

也夫制敵者非揖讓之化強國者非威儀之容故禮

樂不可治於用武之世也明矣

天祿閣外史問兵

五穀生地一豐一耗穀糶在市一貴一賤豐者未必

賤耗者未必貴豐耗有歲貴賤有時時當貴豐穀價

增時當賤耗穀直減夫穀之貴賤不在豐耗猶國之

治亂不在善惡

王充論衡治期篇

小闇謂之沛大闇謂之蔀闇甚則明盡未盡則明昧

明盡則斗星見明微故見昧

周易略例卦略

翔集而不擇木者必有離爵之禽矣出身而不料時

者必有危辱之士矣時之得也則飄乎猶應龍之覽

景雲時之失也則蕩然若巨魚之枯崇陸是以智者

藏其器以有待也隱其身而有為也

抱朴子外篇良規

當其所須則無賤非其時則無貴貴賤有時誰能常

也

郭子註莊徐無鬼

飛轡西頓則離朱與矇眊收察懸景東秀則夜光與

珷玞匿耀是以才換世則俱用功偶時而並劭

文選陸機

演連珠

夜行被繡不足為榮

廣文選蘇子卿報李陵書

上行下效斯謂之教陳兵策於安平之世譬令未病

者服藥

意林正論

鴈候陰陽待時乃舉冬南夏北貴其所有

藝文類聚鳥部鴈

圖官在亂世覓富在荒年

文苑英華徐陵贈荅上書

觸露不稻葵日中不翦韭

爾雅翼葵

主春者鳥星昏中可以種稷主夏者心星昏中可以

種黍主秋者虛星昏中可以種麥主冬者昴星昏中

則入山可以具器械王者南面而坐視四星之中而
知民之緩急急則不賦力役

玉海天文
天文書上

春氣在毛夏氣在皮膚秋氣在分肉冬氣在筋骨刺

此病者各以其時為齊故刺肥人者秋冬之齊刺瘦

人者以春夏之齊

黃帝素問靈樞經終始

譬如日出照蓮華池熟者先開生者未敷

大智度論卷八

如月十四日十五日雖同為月十四日不能令大海

水潮

大智度論卷九十四

譬如大海中龍死相出時如果熟應墮金翅鳥則來

食之

大智度論卷九十七

昔有大富長者左右之人欲取其意皆盡恭敬長者

唾時左右侍人以脚踏却有一愚者不及得蹋而作

是言若唾地者諸人蹋却欲唾之時我當先蹋於是

長者正欲咳唾時此愚人即便舉脚踏長者口破唇

折齒長者語言汝何以故蹋我唇口愚人具答所由

故唾未出舉脚先蹋望得汝意凡物須時時未及到

強設功力反得苦惱以是之故世人當知時與非時

法苑珠林卷五十四

審理

黍可為酒禾入水也一貫三為王推一合十為士

孔子

集語上

昔者東夷慕諸夏之義有女其夫死爲之納私壻終身不嫁不嫁則不嫁矣然而非貞節之義也蒼梧之弟娶妻而美好請與兄易忠則忠矣然非禮也

孔子集語下

棟生橈不勝任則屋覆而人不怨者其理然也弱子慈母之所愛也不以其理動者下瓦則慈母答之故以其理動者雖覆屋不爲怨不以其理動者下瓦必

答管子形勢解

塗之人可以爲禹則然塗之人能爲禹未必然也雖

不能爲禹無害可以爲禹足可以徧行天下然而未

嘗有能徧行天下者也

荀子性惡

凡物之有形者易裁也易割也何以論之有形則有短長有短長則有小大有小大則有方圓有方圓則有堅脆有堅脆則有輕重有輕重則有白黑短長大小方圓堅脆輕重白黑之謂理理定而物易割也

韓非

老子子解

高陽應將爲室家匠對曰未可也木尚生加塗其上必將撓以生爲室今雖善後將必敗高陽應曰緣子之言則室不敗也木益枯則勁塗益乾則輕以益勁

任益輕則不敗匠人無辭而對受令而為之室之始成也善其後果敗高陽應好小察而不通乎大理也驥騫綠耳背日而西走至乎夕則日在其前矣目固有不見也智固有不知也數固有不及也呂氏春秋別類善用鍼者從陰引陽從陽引陰以右治左以左治右以我知彼以表知裏以觀過與不及之理黃帝素問內經陰陽

應象大論

動而不乘其理若汎舟而無施太平御覽舟部施

譬若絕工之師能作殿舍意欲揆作如日月宮殿令高無不見者於須菩提意乃能作不須菩提言日月

宮殿甚高終不能作道行波羅蜜經卷四

譬如金師見彼金性作是思惟如此金性何由生垢今當推尋生垢之本為得本不若盡壽思惟尋初因相乃至無始得本際不既不得本亦不得金若巧方便精勤不懈除彼金垢爾乃得金大法鼓經卷下

譬如明眼有目之人豈可羨於盲瞎人不譬如解脫無事之人豈可羨於牢獄繫縛有事人不譬如饒財巨富之人豈可羨於貧窮饑凍乞索人不譬如明了黠慧之人豈可羨於狂顛人不佛本行集經卷二十三

譬如田家耕犁種穀多收歛著篋中至後歲不復耕

不復種但仰箠中穀食其田家寧復望得新穀不那

比丘經
卷上

譬如健鬪人把弓持箭前行向敵以五箭射敵得勝

其人寧復望箭歸歸不那先比丘
經卷上

譬如醫師持五種藥詣病者家以藥飲病人病者飲

藥得愈醫寧復望得故藥復行治人不那先比丘
經卷上

那先言譬如人備火豫作戒火五瓶水如有失火者

其人持五瓶水水滴滅火火滅以後其救火人寧復

望得完瓶歸家用不王言其人不復望瓶破火滅豈

復望瓶耶那先比丘
經卷上

譬如人盜他人禾穉其主得盜便牽問之汝盜我禾

穉為盜者言我不盜卿禾穉卿自種禾我自取穉我

何用為犯盜兩人相牽至王前白如是誰為直者誰

為不直王言種禾穀為直盜者為不直種禾者為本

有不種禾者為無緣何有穉那先比丘
經卷中

譬如人盜他人果蔽其主得盜果者將至王前白言

是人盜我果其盜者言我不盜是人果是人所種小

栽耳本不種果也我自取果我何用為盜如是兩人

共爭誰為直者誰不直者王言種栽家為直本種栽

家所種從栽根生故上有果耳那先比丘
經卷中

譬如人夜然燭火著壁欲用自照飯食燭稍却及壁上及竹木林材便燒一舍火大熾延及燒一城中舉城中人民共囀言汝何為燒一城中乃如是然火者言我但然小燭火以自照飯食耳是自大火非我火也如是便共爭訟相牽至王前誰為直者誰為不直者王言然火者為不直本是火所生也汝飯食已不當滅火也而令火燒一城中

那先比丘經卷中

譬如人持瓶從牧家買乳湏得湏已復還寄其主言我今還不久其人須更來還取瓶湏湏以轉作酪買湏家言我持湏寄卿今反持酪還我牧牛者言是汝

故乳今自轉為酪兩人因共爭訟相牽詣王前誰為直者王言牧牛家為直汝自買湏停置地自轉成酪

那先比丘經卷中

譬如人以錢娉求人家小女以後女長大他人復更求娉求女得女以為婦前所娉家來自說言汝反取婦為後家言汝自小時娉女我自大時娉婦我何用為娶汝婦耶便相牽詣王前誰為直者誰為不直者王言前娉家為直是女本小今稍長大是故知為直也是前娉家婦也

那先比丘經卷中

譬如鑽火以木則火可得斨薪求火火不可得

大智度論

如言日食千兩金不可食因金得食故言食金

度論卷三十

無處無位穀牛角等而出於乳必無是處穀彼乳房

斯有是處無處無位鑽搖水瓶而出生酥必無是處

鑽搖於酪斯有是處無處無位壓沙出油必無是處

壓苜蓿等斯有是處無處無位鑽濕木等而出於火

必無是處鑽於乾木斯有是處

瑜伽師地論五十五

物不生非物者如石女不生子非物不生物者如龜

毛不生蒲

百論卷下守九

如須油者要從麻取不竿於沙

十二門論守六

亦猶神農唱粒食以充饑虛黃帝垂衣裳以禦寒暑

若閉口而望飽裸袒以求溫不能強與之也

弘明集正誣論

夫目所不覩惟屏為隔耳所不聞遐邇致擁不得以

不聞不見便謂無聲無物

弘明集十

如日垂沒山陵堆阜影現東移理無西逝

法苑珠林卷六十九

明
卷三十五



國家圖書館, NATIONAL CENTRAL LIBRARY, TAIWAN, R.O.C.

Vertical columns of text on the right side of the page, likely bleed-through from the reverse side. The text is mostly illegible due to the watermark and image quality, but some characters like '明' and '卷三十五' are visible at the top.

喻林卷三十六

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門 三十四

尚剛

六三眇能視跛能履履虎尾啞人凶武人爲于大君

易履

六五貞疾乘剛也 易豫

婦人貞吉從一而終也夫子制義從婦凶也 易恒

初六進退利武人之貞

易巽

上九巽在牀下喪其資斧貞凶

易巽

凡物既厭而退者弱也既榮而墮者薄也夫能輝光

日新其德者唯剛健篤實也

王弼註 易大畜

物壯健皆有衰怠唯天運動日過一度蓋運轉混沒

未曾休息

周易正義 乾

戚施之疾不能仰面柔之人常俯似之

爾雅註

譬之若金之與木金雖柔猶堅於木

呂氏春秋舉難

天執其道為萬物主君執其常為一國主主不可以

不剛主不可以不堅主不剛則列星亂其行主不堅

則邪臣亂其官星亂則亾其天臣亂則亾其君故為

天者務剛其氣為君者務堅其政

春秋繁露天地之行

次二毅于心腹貞測曰毅于心腹內堅剛也

太玄經第三毅

初六起履霜至於堅冰陰雖柔順氣亦堅剛

京氏易傳坤中

猶如卒降暴雨破壞山林樹木土石沙礫一切諸物

唯不能毀壞金剛之寶

元陽妙經卷一

尚柔

用九見羣龍无首吉

易乾

以訟受服則終朝三褫柔進受寵則一晝三接也

王弼

註易 晉

唯木 卷三十一 一

能止健初距不以角柔以止剛剛不敢犯王弼註 易大畜

外疆而內順牛之善也離之為體以柔順為主者也

故不可以畜剛猛之物而吉於畜牝牛也王弼註 易離

柔忍之木荏染然人則被之弦以為弓寬柔之人温

温然則能為德之基止言內有其性乃可以有為德

也鄭氏箋 詩抑

寬政以安諸侯若柔轡之御剛馬杜氏解左傳襄公二十六年

且夫牛馬維婁呂音委已者也而柔焉季氏得民衆久

矣君無多辱焉公羊昭公二十五年

今也小國師大國而耻受命焉是猶弟子而耻受命

於先師也孟子子雜 婁上

夫虎之卑勢將以有擊也狸之卑身將求所取也雉

以眩移拘於網魚以有悅死於餌吳越春秋句 踐人臣外傳

猛獸將擊必弭毛帖伏鷲鳥將搏必卑飛戢翼聖人

將動必順辭和衆吳越春秋句 踐歸國外傳

辛垣衍曰先生獨未見夫僕乎十人而從一人者寧

力不勝智不若邪畏之也戰國策趙 季成王

柔者德也剛者賊也弱者仁之助也彊者怨之歸也

後漢書 臧宮傳

人之生也柔弱其死也堅強萬物草木之生也柔脆

其死也枯槁故堅強者死之徒柔弱生之徒是以

兵強則不勝木強則共強大處下柔弱處上老子戒強

執雌牝故能立其雄牡文子守弱

飄風暴雨不終日小谷不能須臾盈飄風暴雨行強

梁之氣故不能久而滅小谷處強梁之地故不得不

奪文子守弱

舌之與齒孰先弊焉繩之與矢孰先直焉文子上德

番堅則物必毀之剛斯折矣刀利則物必摧之銳斯

挫矣關尹子九藥

粥子曰欲剛必以柔守之欲彊必以弱保之積於柔

必剛積於弱必彊觀其所積以知禍福之鄉彊勝不

若已至於若已者剛柔勝出於已者其力不可量老

聃曰兵彊則滅木彊則折柔弱生之徒堅彊者死

之徒列子黃帝

因以為茅靡因以為波流列子黃帝

蛇謂風曰予動吾脊脅而行則有似也今予蓬蓬然

起於北海蓬蓬然入於南海而似無有何也風曰然

予蓬蓬然起於北海而入於南海也然而指我則勝

我鱸我亦勝我雖然夫折大木蜚大屋者唯我能也

故以衆小不勝為大勝也為大勝者唯聖人能之莊子

秋水

以深為根以約為紀曰堅則毀矣銳則挫矣常寬容

於物不削於人

莊子天下

與時屈伸柔從若蒲葦非懾怯也

荀子不苟篇

莫不貪強鮮能守微若能守微乃保其生聖人存之

以應事機舒之彌四海卷之不盈杯居之不以室宅

守之不以城郭藏之胷臆而敵國服

黃石公三畧上

柔能制剛弱能制強柔者德也剛者賊也弱者人之

所助強者人之所攻

黃石公三畧上

萬物中皆有元氣得以和柔若胷中有藏骨中有髓

草木中有空虛與氣通故得久生也

河上公註老子道化

與物造功大木處下小物處上大道抑強扶弱自然

之效

河上公註老子戒強

人雖知自尊顯當復守之以卑微去雄之強梁就雌

之柔和如是則天下歸之如水流入深谿也

河上公註老子

反朴

兵強則滅木強則折革固則裂齒堅於舌而先之弊

是故柔弱者生之幹也而堅強者死之徒也

淮南子原道訓

強勝不若已者至於與同則格柔勝出於已者其力

不可度故能以衆不勝成大勝者唯聖人能之

淮南子詮

厲利劍者必以柔砥擊鍾磬者必以濡木較強必以弱輻兩堅不能相和兩強不能相服故梧桐斷角馬

駘截玉

淮南子說山訓

平子曰柔無乃脆乎叔向曰柔者紐而不折廉而不缺何為脆也天之道微者勝是以兩軍相加而柔者

克之兩仇爭利而弱者得焉

說苑敬慎

韓平子問於叔向曰剛與柔孰堅對曰臣年八十矣

齒再墮而舌尚存

說苑敬慎

金剛則折革剛則裂人君剛則國家滅人臣剛則交

友絕

說苑敬慎

直如矢者死直如繩者稱

說苑談叢

左權曰蠅山之虎苟無以制夫子尚能倚磬而鼓琴

乎曰仁可恃也勇則敵不可以恃故曰柔能制剛弱

能制強故不善勇者制於勇善勇者制於仁遇虎而

倚磬鼓琴汝徒見吾弱也而不知仁者有無聲之威

有無形之兵乎左權曰唯唯吾今而知善勇之術也

天祿閣外史蠅山

金以剛折水以柔全山以高墜谷以卑安是以執雌

節者無爭雄之禍多尚人者有召怨之患

抱朴子外篇廣譬

俞林人事

卷三十一 尚柔

六

強望者亡掘強者折大健者跋大利者缺意林太元經

河色黃赤衆川之流蓋濁之也百里一小曲千里一

大曲藝文類聚水部河水

火從木生卽以水救之卽不灰人起火性以柔而救

之卽身不壞陰符經註

夫響以無聲不可窮影以無形不可極水以淖弱貫

金石沈萬物地以柔順成大功勝草木舌耳無患角

齒傷折由此觀之柔者弊堅虛者馳實道德經指歸卷八

草木之始生也枝條潤澤華葉青青豐茂暢美柔弱

以和何則陽氣存也其衰也華葉黃悴物色焦殃及

其死也根莖枯槁枝條堅剛何則陽氣去之也道德經指歸卷

十三

陽氣之所居木可卷而草可結也陽氣之所去氣可

凝而冰可折也道德經指歸卷十三

凡人之性憎西鄰之父者以其強大也愛東鄰之兒

者以其小弱也燔燒枯槁者以其剛強也簪珥榮華

者以其和淖也道德經指歸卷十三

堅強實滿死之形象也柔弱滑潤生之區宅也道德經指歸卷

十三

是故神明之道天地之理小不載大輕不載重故強

人不得爲王強木不得處上何則強人爲王萬國愁
憂強木處上則根本枯槁衆人爲大故居下聖人爲
小故居上強大居下小弱居上者物自然也道德經指歸卷
十三

夫巨木高百尋大連抱頭剖中門尾判中戶不蒙華

實常在於下千枝萬木舒條布葉青青葱葱共生其

上者以其形大而勢強也道德經指歸卷十三

水之滅火砥之利金角齒傷折舌耳無患卑損制驕

暴雌辱勝大怨天下莫不知世俗莫不聞道德經指歸卷十三

髮以柔弱爲人所戴體骨堅強爲人所勞道德經指歸卷八

猶如嶮岸所有樹木洪水暴長悉隨漂溺流入大海

唯除楊樹以其軟故元陽妙經卷一

譬如僮僕行住坐臥皆當任主不應自在而有所作

欲從其舍往市廛等先諮問主然後出所須飲食許

乃受用諸有所爲皆隨主欲波羅蜜多經五百九十九

猶截角牛至忍温良善調善御從村至村從巷至巷

所遊行處無所侵犯中阿含經卷五

猶如猫皮囊柔治極軟除甌力頰切甌聲無甌甌聲彼

或有人以手拳扚石擲杖打或以刀斫或撲著地彼

寧復有甌甌聲耶中阿含經卷五十一

猶如牛無其雙角極自良善亦不兇暴善可將御隨

意所至終不疑難 增壹阿含經卷三十

如乾牛皮卷之有聲舒亦有聲濕以脂膏卷舒皆輒

佛說梵志阿闍經

譬如牛皮已柔隨用可作 大智度論卷一

譬如牛皮未柔不可屈折 大智度論卷一

譬如槃馬迴轉隨意 大智度論卷二十九

譬如鐵雖堅韌入鑪則柔輒隨作何器 大智度論卷六十一

尚動

弓久落絃而不張設則失其弓之往來之體喻民久

休息而不勞苦則民有驕逸之志 禮記正義雜記下

吾非好行行有得也觀朝榮則敬才秀之士玩芝蘭

則愛德行之臣觀松竹則思貞操之賢臨清流則貴

廉潔之行覽蔓草則賤貪穢之吏逢颶風則惡凶狡

之徒若引而申之觸類而長之庶無遺漏矣 晉書張天錫傳

子華子北宮意問

勢散而後物服猶鳥擊禽獲故散勢法驚鳥也 鬼谷子本

經陰符註

精無氣之集也必有入也集於羽鳥與為飛揚集於

走獸與為流行集於珠玉與為精明集於樹木與為
 茂長集於聖人與為夔明精氣之來也因輕而揚之
 因走而行之因美而良之因長而養之因智而明之
 流水不腐戶樞不蠹動也呂氏春秋盡數
 次三風動雷與從其高崇測曰風動雷與動有為也

太玄經
第二釋

雷火交動剛柔散氣積則暗動乃明京氏易傳豐上
 雷動風行山澤通氣人之運動體斯合矣京氏易傳中
 體常動搖穀氣得清血脉流通疾則不生卿見戶樞
 雖用易腐之木朝暮開閉動搖遂最晚朽藝文類聚方術部養

生

陳琳曰矢在弦上不可不發太平御覽兵部箭上

尚靜

澤中有雷隨君子以嚮晦入宴息易隨

雷在地中復先王以至日閉關商旅不行后不省方易復

六一咸其腓凶居吉易咸

兼山艮君子以思不出其位易艮

初六艮其趾无咎利永貞易艮

初九不出戶庭无咎象曰不出戶庭知通塞也易節

非妄之災勿治自復非妄而藥之則凶故曰勿藥有

喜王弼註
易无妄

皮雖從革之物然牛皮堅仍難變初九在革之始革

道未成守夫常中未能應變施之於事有似用牛皮

以自固未肯造次以從變者也故曰鞶用黃牛之革

周易正義革

胥靡為宰寂寞為尸大味必淡大音必希

前漢書揚雄傳下

有疾不治恒得中醫

隋書經籍三志

牝常以靜勝牡

老子謙德

至人潛行譬猶雷霆之藏也

文子精誠

少言者不為人所忌少行者不為人所短少智者不

為人所勞少能者不為人所役

關尹子九藥

人君不靜則失威治身不靜則身危龍靜故能變化

虎躁故天虧也

河上公註老子重德

夫天不定日月無所載地不定草木無所植所立於

身者不寧是非無所形

淮南子傲真訓

感而應迫而動不得已而往如光之耀如景之放以

道為紉有待而然

淮南子精神訓

今與人下氏之璧未受者先也求而致之雖怨不逆

者後也三人同舍二人相爭爭者各自以為直不能

相聽一人雖愚必從旁而決之非以智也以不爭也
 兩人相鬪一羸在側助一人則勝救一人則免鬪者
 雖強必制一羸非以勇也以不鬪也由此觀之後之
 制先靜之勝躁數也淮南子 詮言訓
 用兵者先為不可勝以待敵之可勝也治國者先為
 不可奪以待敵之可奪也舜修之歷山而海內從化
 文王修之岐周而天下移風使舜趨天下之利而忘
 修己之道身猶弗能保何尺地之有故治未固於不
 亂而事為治者必危行未固於無非而急求名者必
 剋也福莫大無禍利莫美不喪動之為物不損則益

不成則毀不利則病皆險也淮南子 詮言訓

虎豹不動不入陷穿糜鹿不動不罹罝罾飛鳥不動
 不絰網羅魚鼈不動不環脣喙物未有不以動而制

者也是故聖人貴靜淮南子 兵畧訓

人不小學不大迷不小慧不大愚人莫鑑於沫雨而
 鑑於澄水者以其休止不蕩也淮南子 說山訓

清之為明杯水見牟子濁之為闇河水不見太山視
 日者眩聽雷者聾人無為則治有為則傷淮南子 說山訓

水定則清正動則失平故惟不動則所以無不動也

淮南子 說山訓

默無過言慙無過事木馬不能行亦不費食騏驥日

馳千里鞭箠不去其背

說苑談叢

履不容足南山多棘毋出房閨乃無病疾

焦氏易林恒之訟

膠著木連不出牢關

焦氏易林解之坤

弱足則跟不利出門

焦氏易林艮之恒

次二車軻俟馬會止測曰車軻馬止不可以行也

太玄

經第六止

次七車纍其僂

馳

馬獵其蹄止貞測曰車纍馬獵行

可隣也

太玄經第六止

上九折于株木軻

口亥切

乎泛石止測曰折木軻石君

子所止也

太玄經第六止

艮止也於人爲手爲背取象爲山爲石爲門爲狗

京氏

易傳艮上

夫人之形猶草木之體也草木在高山之顛當疾風

之衝晝夜動搖者能復勝彼隱在山谷間鄣於疾風

者乎

王充論衡道虛篇

北辰以不改爲衆星之尊五嶽以不遷爲羣望之宗

蟋蟀屢移而不貴禽魚饜深則逢患

抱朴子外篇守壻

仲長子光日在險而運奇不若宅平而無爲

文仲子禮樂

雖力挾太山將不與一羽揚波萬里將不濯一鱗咳

唾成珠玉揮袂出風雲豈肯躡躡鄙事取才進人補文

選夏疾
湛抵疑

佐鬪者傷預事者亡意松
唐子

吾將贈子以無為之樂給子以澹泊之湯刺子以玄

虛之鍼灸子以淳朴之方安子以恢廓之宇坐子以

寂寞之牀藝文類聚
人部愁文

无闔则无關无靜则无動此歸藏所以先坤歟王海
藝文

易

凡物輕不能載重小不能鎮大不行者使行不動者

制動是以重必為輕根靜必為躁君也道德
經註

象彼仲冬節竹木皆摧傷佐陽詰賈旅人君深自藏

參同契

中經曰靜者壽躁者夭靜而不能養減壽躁而能養

延年然靜易御躁難將養性延命
錄教誡篇

譬如門闔常住不動長阿含經
卷十二

智人知動搖譬如沙中樹法句經
明哲品

尚先

上六比之无首凶正義曰他人皆比已獨在後是親

比於人無能為頭首也周易正
義比

逃遯之世宜速遠而居先而為遯尾禍所及也周易
正義

物之成熟莫先萋草故云物成自秀萋始

毛詩正義七月

魯人將有事於上帝必先有事於類宮晉人將有事

於河必先有事於惡池齊人將有事於泰山必先有

事於配林

禮記禮器

所麥實麥實者五穀之先見者故急祈而記之也

大戴

禮記夏小正

秦失其鹿天下共逐之於是高材疾足者先得焉

史記

淮陰王傳

且彊弩之極矢不能穿魯縞衝風之末力不能漂鴻

毛非初不勁末力衰也

史記韓長孺傳

豪彊爭虎裂狼分疾搏者獲多遲後者先吞

蜀志譙周

傳

柏梁雲構大匠先居其下管絃繁奏夔牙先聆其音

晉書庾懌傳

天道先貴覆者地道先貴載者人道先貴事者酒保

先貴食者

鶡冠子天則

權先加人者敵不力交武先加人者敵無威接

尉繚子戰

權

欲學歌謳者必先徵羽樂風欲美和者必先始於陽

阿采菱此皆學其所不學而欲至其所欲學者淮南子說

山訓
英雄爭強先者受福焦氏易林

縷非針無以通故宜先也淮南子說

抱薪爨火燥者先著藝文類聚火部薪炭灰

先者在路於後則妨海空智藏經哀歎品

養性者先饑乃食先渴而飲恐覺饑乃食食必多盛

渴乃飲飲必過養生延命錄食誠篇

譬如日出諸山高者其光先照波羅蜜多經卷五百七十二

將雨法雨先興法雲普覆衆生未便即雨大方廣佛華嚴經三

十五

王復問那先言人有欲作善者當前作之耶當後作之乎那先言當居前作之在後作之不能益人也居前作者有益於人那先問王言王渴欲飲時使人掘地作井能赴王渴不王言不赴渴也當居前作井耳

那先比丘經卷中

譬如妙華衆蜂競採先至之者取其精粹後來至者

但味其餘大乘密嚴經卷中

如二人俱至一方一乘疾馬一乘鈍馬雖乘鈍馬以

前發故先有所至法苑珠林卷八十三

尚後

九三咸其股執其隨往吝

易咸

九四臀无膚其行次且牽羊悔亡

易夬

語曰騏驥之衰也駑馬先之孟賁之倦也女子勝之夫駑馬女子筋力骨勁非賢於騏驥孟賁也何則後

起之藉也

戰國策齊閔王

齊欲伐魏淳于髡謂齊王曰韓子盧者天下之疾犬也東郭逡者海內之狡兔也韓子盧逐東郭逡環山者三騰山者五兔極於前犬廢於後犬兔俱罷各死其處田父見之無勞倦之苦而擅其功今齊魏久相

持以頓其兵敝其衆臣恐強秦大楚承其後有田父

之功

戰國策齊宣王

此所謂兩虎相搏者也夫秦楚相弊而韓魏以全制

其後

戰國策楚懷王

聖人虛無因循常後而不先譬若積薪燎後者處上

文子上德

瓶存二竅以水實之倒瀉閉一則水不下盡不升則不降井雖千仞汲之水上盖不降則不升是以聖人

不先物

關尹子九藥

子列子學於壺丘子林壺丘子林曰子知持後則可

言持身矣列子曰願聞持後曰顧若影則知之列子顧而觀影形枉則影曲形直則影正然則枉直隨形而不在影屈伸任物而不在我此之謂持後而處先

列子說符

未嘗有聞其唱者也常和人而已矣

莊子德充符篇

人皆取先已獨取後曰受天下之垢

莊子天下

鄭人有相與爭年者其一人曰我與黃帝之兄同年

訟此而不決以後息者為勝耳

韓非子外儲說左上

先唱者窮之路也後動者達之原也何以知其然也

凡人中壽七十歲然而趨舍指湊日以月悔也以至

於死故蘧伯玉年五十而有四十九年非何者先者

難為知而後者易為攻也先者上高則後者攀之先

者踰下則後者蹶之先者墮陷則後者以謀先者敗

績則後者違之由此觀之先者則後者之弓矢質的

也猶錚之與刃刃犯難而錚無患者何也以其託於

後位也

淮南子厚道訓

老子學商容見舌而知守柔矣列子學壺子觀景柱

而知持後矣故聖人不為物先而常制之其類若積

薪樵後者在上

淮南子謬稱訓

陰道卑虛無所因緣待陽唱道乃和而承之

太玄經第一中

錙矛戈之錙刃矛戈之刃刃在前故犯難錙在後故

無患

淮南子原道訓解

我有三寶保而持之一曰慈二曰儉三曰不敢為天

下先

太平御覽珍寶部寶

通玄經曰天地之道先以後為主聖人法道之退者

所以自後也後以自安

道德經四子集解

先迷失軌後為主君

參同契

尚速

盛饌未具不能以虛待之不及壺飡之救饑疾也言

已欲滅吳取快意得之而已不能待有餘力也

國語解越

下王問

范象蠹

失火之家豈暇先言大人而後救火乎

史記齊悼世家

乘其未堅厭其未發震起機動敵人摧折雖有賁育

不及持刺雖有樗里不及回知雖有鬼谷不及造次

前漢書王莽傳

疾走而捷先鳴則興

晉書慕容容寶記

智者從之而不釋巧者一決而不猶豫是以疾雷不

及掩耳迅雷不及瞑目

太公六韜軍勢

十里斷者國弱九里斷者國強以日治者王以夜治

者強宿治者削商子去強

力貴突智貴卒得之同則邀為上勝之同則溼為下

所為貴驥者為其一日千里也旬日取之與駑駘同

所為貴鏃矢者為其應聲而至終日而至則與無至

同呂氏春秋秋貴卒

所以貴鎔邪者以其應物而斷割也剝靡勿釋牛車

絕鞮淮南子說山訓

所以尚干將莫邪者貴其立斷也所以貴騏驎者為

其立至也必且歷日曠久乎綵斃猶能挈石駑馬亦

能致遠是以聰明捷敏人之美材也新序雜事二

敏教勁疾如猿升木彤弓雖調終不能獲焦氏易林泰之蠱

來如飄風去似絕絃焦氏易林困之萃

鳳之小者曰鸞鸞五彩之文三歲始備也張華註禽經

成務雖均機速為上決謀或同遲緩為下何者才能

成功以速為貴智能決謀以疾為奇也善濟事者若

救火拯溺明其謀者猶驥捷矢疾劉子貴速

今焚燃燹室則飛馳灌之湍波漂人必奔遊拯之若

穿井而救火則燹颺棟焚矣方鑿舟而拯溺則葬江

魚之腹中矣驥所以見珍者以其日行千里也滿旬

而取至則與駑馬均矣箭所以為貴者以其弦直而

至也窮日而取至者則與不至者同矣智所以為妙者以其應時而知若事過而後知則與無知者齊矣

劉子 貴速

言畜貨以遺後畜道俟將來是遲鈍揚子法言 註五百篇

逸材之馬雖後往而能先至李善註文 選舞賦

逸翮後塵翽翽先路言飛之疾塵起居鶴之後鶴飛

在路之先李善註文 選舞鶴賦

翔鶴仰而不逮况青鳥與黃雀文選西 京賦

倏如六龍之所掣一越三千不終朝而濟所屆文選 海賦

西河下龍門其流敵於竹箭文選南 都賦註

掣電無停光疾雷無餘聲太平御覽 天部雷

劉向云龜之言久著之言耆龜千歲而靈著百年而

神王 海藝 文藝術

夫驟裹以迅驟為功鷹隼以輕疾為妙何氏語 林風惠

譬如猛火隨投草木一切熾然悉成於火大寶積經 卷八十四

尚遲

鵲之作巢冬至架之至春乃成猶國君積行累功鄭氏

箋詩 鵲巢

汝大才當晚成良工不示人以朴且從所好後漢書 馬援列

傳

夫物暴長者必夭折功卒成者必亟壞

後漢書朱浮列傳

藜藿之生螟螟然日加數寸不可以為櫨棟榱桷豫章之生也七年而後知故可以為棺舟夫事有易成者名小難成者功大君子修美雖求有利福將在後

至淮南子修務訓

楓桐之樹生而速長故其皮肌不能堅剛樹檀以五月生葉後彼春榮之木其材彊勁車以為軸殷之桑穀七日大拱長速大暴故為變惟大器晚成寶貨難售其不崇一朝輒成賈者菜果之物也王充論衡狀雷篇陽溫陰寒歷月乃至災變之氣一朝成惟故夫河冰

結合非一日之寒積土成山非斯須之作干將之劍久在鑪炭銛鋒利刃百熟煉厲久銷乃見作雷成遲故能割斷肉暴長者曰腫泉暴出者曰湧酒暴熟者易酸醢暴酸者易臭由此言之賢儒遲雷皆有狀故

王充論衡狀雷篇

鷲飛輕於鳳凰兔走疾於麒麟龜躍躁於靈龜蛇騰便於神龍呂望之徒白首乃顯百里之知明於黃髮深為國謀因為王輔皆夫沉重難進之人也王充論衡狀雷篇

龜生三百歲大如錢游於蓮葉之上三千歲青邊緣

巨尺二寸著生七十歲生一莖七百歲生十莖神靈之物也故生遲留曆歲長久故能明審實賢儒之在世也猶靈著神龜也計學問之日固已盡年之半矣銳意於道無貪仕之心及其仕也純特方正無員銳之操故世人遲取進難也王充論衡狀留篇

美盛者任其時化譬之種植不可一朝成也郭子註莊人間世

且墉基不可倉卒而成威名不可一朝而立皆為之有漸建之有素譬之種樹久則深固其根本茂盛其枝葉若造次徙於山林之中植於宮闕之下雖壅之

以黑墳暖之以春日猶不救於枯槁何暇繁育哉文選

曹周六代論

薰晚華而後落槿早秀而前補文選鮑昭觀漏賦

夫物速成則疾亾晚就則善終朝華之草夕而零落

松栢之茂隆寒不衰是以大雅君子惡速成戒闕黨

也補文選王景戒于姪書

春蘭早芳實已鳴鳩秋菊晚秀無憚繁霜何則榮乎

始者易悴貞乎末者難傷是以傅長沙而志沮登金

馬而名揚廣文選謝惠連連珠

盧思道與庾知禮作詩知禮成而思道未就知禮曰

盧詩何太眷眷思道曰自許編蒲疾何如織錦遲太平

御覽文部思遲

桐枝濡毳而又空中難成易傷須成器而後華太平御覽

木部

雙骹長者起遲六翮短者飛急事類賦禽部鷹註

實不如虛數不如希茂多卒天疾不如遲西昇經

寧為菩薩遲證無上正等菩提不為速求墮二乘地

波羅密多經卷五百八十七

喻林卷三十六終

翰林卷三十七

宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門 三十五

尚義

入峻谷者當攀葛藟可以免於顛墜猶處時俗者當

據道義然後得用自立 前漢書敘傳註

伐冰之家不利雞豚之息委積之臣不操市井之利

後漢書馮衍傳

濟於舟者和於水矣義於人者祥於神矣

管子白心

人而無義唯食而已是雞狗也彊食靡角勝者為制

是禽獸也

列子說符

子獨不聞假人之亾與林回棄千金之璧負赤子而趨或曰為其布與赤子之布寡矣為其累與赤子之累多矣棄千金之璧負赤子而趨何也林回曰彼以利合此以天屬也夫以利合者迫窮禍患害相棄也以天屬者迫窮禍患害相收也夫相收之與相棄亦遠矣且君子之交淡若水小人之交甘若醴君子淡以親小人甘以絕彼無故以合者則無故以離

莊子山木

子墨子言曰我有天志譬若輪人之有規匠人之有

矩輪匠執其規矩以度天下之方園曰中者是也不

中者非也

墨子天志上

商人之四方市賈信徙雖有關梁之難盜賊之危必為之今士坐而言義無關梁之難盜賊之危此為信徙不可勝計然而不為則士之計利不若商人之察

也

墨子貴義

今天下莫為義子獨自苦而為義子不若已子墨子曰今有人於此有子十人一人耕而九人處則耕者不可以不益急矣何故則食者眾而耕者寡也

墨子貴義

有游於子墨子之門者子墨子曰盍學乎對曰吾族人無學者子墨子曰不然夫好美者豈曰吾族人莫之好故不好哉夫欲富貴者豈曰吾族人莫之欲故不欲哉好美欲富貴者不視人猶強爲之夫義天下之大器也何以視人必強爲之

墨子
公孟

力不若牛走不若馬而牛馬爲用何也曰人能羣彼不能羣也人何以能羣曰分分何以能行曰以義故義以分則和和則一一則多力多力則彊彊則勝物

荀子王
制篇

水火有氣而無生草木有生而無知禽獸有知而無

義人有氣有生有知亦且有義故最爲天下貴也

荀子

上制
篇

齊宣王問匡倩曰儒者博乎曰不也王曰何也匡倩對曰博者賢梟勝者必殺梟殺梟者是殺所賢也儒者以爲害義故不博也又問曰儒者弋乎曰不也弋者從下害於上者也是從下傷君也儒者以爲害義故不弋又問儒者鼓瑟乎曰不也夫瑟以小弦爲大聲以大弦爲小聲是大小易序賢賤易位儒者以爲害義故不鼓也

韓非子外
儲說左

昔晉文公將與楚人戰於城濮召舅犯而問曰楚衆

我寡奈何而可舅犯對曰臣聞繁禮之君不足於文繁戰之君不足於詐君亦詐之而已文公以舅犯言告雍季雍季曰竭澤而漁豈不獲得而明年無魚焚藪而田豈不獲得而明年無獸詐偽之道雖今偷可後將無復非長術也文公用舅犯之言而敗楚人於城濮反而爲賞雍季在上左右諫曰城濮之功舅犯之謀也君用其言而賞後其身或者不可乎文公曰雍季之言百世之利也舅犯之言一時之務也焉有以一時之務先百世之利者乎

呂氏春秋義賞

天下也死君親之難視死若歸義重於身也天下大利也比之身則小身所重也比之義則輕義所全也

淮南子泰族訓

今行者見大樹必解衣懸冠倚劍而寢其下大樹非人之情親知交也而安之若此者信也陵上巨木人以爲期易之故也又况於士乎士義可知故也則期爲必矣人之所乘船者爲其能浮而不能沉也世之所以賢君子者爲其能行義而不能行邪僻也

呂氏春秋

壹行

大旱雩祭而請雨大水鳴鼓而攻社天地之所爲陰

陽之所起也或請焉或怒焉者何曰大旱者陽滅陰也陽滅陰者尊壓卑也固其義也雖大甚拜請之而已無敢有加也大水者陰滅陽也陰滅陽者卑勝尊也日食亦然皆下犯上以賤傷貴逆節也故鳴鼓而攻之朱絲脅之為其不義也此亦春秋之不畏強禦也

春秋繁露精華

衆人以毀形為耻君子以毀義為辱

說苑談叢

君子比義農夫比穀

說苑談叢

乞人一日不得食則餓死溝壑是欲寄口而不可得也汝必為乞人之計則簞食豆羹之間殆有甚於乞

者汝亦畏死而取之耶充以乞人之心則盜跖之貪為是而伯夷之廉為非是盜跖何智而伯夷何愚也

天祿閣外史辭受

願竭力以守義今雖貧窮而不改執彫虎而試象兮
跖焦原而跟趾註云彫虎以喻貧試象以喻竭力焦
原以喻義言已以執彫虎之貧窮願竭力而

守焦原之義

李善註文選思玄賦

莒國有石焦原者廣五十步臨百仞之谿莒國莫敢近也有以勇見莒子者却行齊踵焉所以稱於世夫義之為焦原也亦高矣賢者之於義必且齊踵此所

以服一時也

文選思
玄賦註

中黃伯曰余左執太行之獲而右搏彫虎唯象之未與吾心試焉有力者則又願為牛欲與象鬪以自試今二三子以為義矣將惡乎試之夫貧窮太行之獲也疏賤義之彫虎也而吾日遇之亦足以試矣

文選
思玄

賦註

理之所守勢所常奪道之所閉權所必開是以生重於利故據圖無揮劍之痛義貴於身故臨川有投跡之哀

文選陸機
演連珠

草木無大小必待春而後生人待義而後成

意林
尸子

一人舉而萬夫俛首智者不為賞一人而慙萬夫義

者不取

太平御覽
刑法部烹

夫瑟二十五絃其僕人鼓之則為笑賢者以其義鼓

之欲樂則樂欲悲則悲雖有暴君為之立變

太平御
覽樂部

瑟

煞君之室雖生美菜有義之士弗食

太平御覽
菜部菜

丈夫重義如太山輕利如鴻毛可謂仁義也

太平御
覽羽族

部鴻

鷹不擊伏鶻不擊妊蓋其義性如此

埤雅品
物門鷹

設一面之網物觸而後誅之蜘蛛義者也

埤雅品
物門蜘蛛

昔有國王喜食鴈肉常遣獵師張網捕鴈日送一鴈以供王食時有鴈王將五百鴈飛下求食鴈王墮網為獵師所得餘鴈驚飛徘徊不去時有一鴈連翻追隨不避弓矢悲鳴吐血晝夜不息獵師見之感憐其義即放鴈王令相隨去羣鴈待王歡喜迴遶爾時獵師具以白王王感其義斷不捕鴈

法句譬喻經三忿怒品

尚勇

武力比於虎可以御亂御衆

毛詩簡兮註

隼急疾之鳥也飛乃至天喻士卒勁勇能深攻入敵

也

鄭氏箋詩采芑

夫撫劔疾視曰彼惡敢當我哉此匹夫之勇敢一人

者也

孟子梁惠王下

思以一毫挫於人若撻之於市朝

孟子公孫丑上

視刺萬乘之君若刺褐夫

孟子公孫丑上

譬之猶兩鼠鬪於穴中將勇者勝

史記趙奢傳

田光荅燕太子曰竊觀太子客無可用者夏扶血勇之人怒而面赤宋意脉勇之人怒而面青武陽骨勇之人怒而面白光所知荆軻神勇之人怒而色不變

史記荆軻列傳註

徐廣曰鷩鳥將擊必張羽毛也

史記酷吏義縱列傳註

一卒畢力百人不當萬夫致死可以橫行

後漢書張宗傳

猶鳩鵲捕鷹鷂豚羊弋豹虎是以每戰常負

後漢書志百官

五註

夫水行不避蛟龍者漁父之勇也陸行不避兕虎者獵夫之勇也白刃交於前視死若生者烈士之勇也知窮之有命知通之有時臨大難而不懼者聖人之

勇也

莊子秋水

天子之劍以燕谿石城為鋒齊岱為鍔晉魏為脊周宋為鐔韓魏為夾包以四夷裹以四時繞以渤海帶以常山制以五行論以刑德開以陰陽持以春夏行

以秋冬此劍直之無前舉之無上案之無下運之無旁上決浮雲下絕地紀此劍一用匡諸侯天下服矣此天子之劍也諸侯之劍以知勇士為鋒以清廉士為鍔以賢良士為脊以忠勝士為鐔以豪傑士為夾此劍直之亦無前舉之亦無上案之亦無下運之亦無旁上法圓天以順三光下法方地以順四時中知民意以安四鄉此劍一用如雷霆之震也四封之內無不賓服而聽從君命者矣此諸侯之劍也庶人之劍蓬頭突鬢垂冠曼胡之纓短後之衣瞋目而語難相擊於前上斬頸領下決肝肺此庶人之劍無異於

鬪鷄一日命已絕矣無所用於國事莊子說劍

國以難攻起一取十國以易攻起十亾百國好力曰

以難攻國好言曰以易攻民易為言難為用商子說民

今使一死賊伏於曠野千人追之莫不梟視狼顧何

者恐其暴起而害已也是以一八投命足懼千夫今

臣以五萬之眾而為一死賊率以討之固難敵矣吳子厲士

有狗彘之勇者有賈盜之勇者有小人之勇者有士

君子之勇者爭飲食無廉耻不知是非不辟死傷不

畏眾彊悍悍然唯利飲食之見是狗彘之勇也為事

利爭貨財無辭讓果敢而振猛貪而利悍悍然唯利

之見是賈盜之勇也輕死暴是小人之勇也義之所

在不傾於權不顧其利舉國而與之不為改視重死

持義而不撓是士君子之勇也荀子榮辱篇

一武仗劍擊於市萬人無不避之者臣謂非一人之

獨勇萬人皆不肖也何則必死與必生固不侔也尉繚子

子制談

百里之眾不用命不如萬人之鬪也萬人之鬪不用

命不如百人之奮也賞如日月信如四時令如斧鉞

制如干將士卒不用命者未之聞也尉繚子兵令下

冉叔誓必死於田侯而齊國皆懼豫讓必死於襄子而趙氏皆恐成荆致死於韓主而周人皆畏又况乎萬乘之國而有所誠必乎則何敵之有矣刃未接而欲已得矣

呂氏春秋論威

一膊炭燠掇之則爛指萬石俱燠去之十步而不死

同氣異積也大勇小勇有似於此

淮南子說林訓

鳥有沸波者河泊為之不潮畏其誠也故一夫出死

千乘不輕

淮南子說林訓

子真為勇悍矣今未嘗見子之奇辯也一鄰之鬪也

千乘之勝也

說苑善說

夫登高臨危而目不眴而足不陵者此工匠之所勇

悍也入深淵刺蛟龍抱龜鼉而出者此漁夫之勇悍

也入深山刺虎豹抱熊羆而出者此獵夫之勇悍也

不難斷頭裂腹暴骨流血中野者此武夫之勇悍也

今臣居廣廷作色端辯以犯主君之怒前雖有乘軒

之賞未為之動也後雖有斧質之威未為之恐也此

既之所以為勇悍也

說苑善說

兩金相擊勇武敢敵終日大戰不破不缺

焦氏易林同人之噬

嗑

昔者與客涉瞿塘之峽即徵君欲之楚遊道也舟覆

得楫而渡有猛虎羣飲于峽一搏而獲斃者二客曰
吾與子將赴于峽下之流得一楫而俱免又搏羣虎
于峽上如制嬰兒是渡二峽也虎不制則後涉者或
免于峽而烏能免峽上之虎乎若子之勇可以倒峽
而西矣天祿閣外史 岷山

鷓之為鳥同羣相為畸類被侵雖死不避毛飾武士

兼厲以義山海經中山經圖讚

尸子說云人謂孟賁生乎曰勇貴乎曰勇富乎曰勇

三者人之所難而皆不足以易勇故能懾三軍服猛

獸也前漢書註 東方朔傳

使見戰如餓狼之見肉則可用矣意林商君書

負長劍赴榛薄析兕豹搏熊羆此徒獵之勇也負長

劍赴深泉斬蛟龍搏龜鼉此漁人之勇也登高涉危

鵠立四顧顏色不變此陶缶之勇也剽必刺視必殺

此五刑之勇也意林胡非子

意氣難干非資扛鼎風神自勇無待翹關是以曹劇

登壇汶陽之田遽反相如睨柱連城之壁更還文苑英華

庚信 連珠

韓雉見申羊于魯有龍飲于沂韓雉曰吾聞之出見

虎搏之見龍射之今弗射是不行吾聞也遂射之太平

唯林

卷三十一

十一

御覽地部沂水

都尉氣如合抱之榆

太平御覽職官部都尉

若能力兼三人身與馬如膠漆乎與箭如飛蚤誠宜

寵異

太平御覽兵部箭下

虎狼見逼不揮戈奮劍而彈琴詠詩者吾未見其身

之可保也

太平御覽兵部戈

中郎將冠兩鵠尾鵠鷺鳥中之異勁者也每所攫撮

應爪摧碎

太平御覽職官部虎賁中郎將

譬如世間大軍戰時少有衆生爲護衆故處於前陣

惟有果敢雄猛丈夫合率驍勇抗拒勅敵爲護已衆

處大軍前振威而住

大寶積經四十六

譬如怯人執持刀應得安隱反生畏

大寶積經六十八

如有二象桶力而鬪若一被傷退而不復

大乘密嚴經卷下

譬如波斯匿王與敵國戰時彼諸戰士食丈夫祿不

勇猛者不名丈夫

大法鼓經卷上

猶如勇士能却外難著鎧持仗心不怯弱手執弓矢

脚不移轉便不復畏外敵

出曜經五無放逸品之餘

譬如輓夫爲將雖復持兵終身智勇不足卒無功名

若如英雄奮發禍亂立定一日之勲功蓋天下

大智度論

卷十

論林人事

卷三十一

尚勇

上

知命

知命者不立乎巖牆之下孟子盡心上

人之情邀福者必有害若欲急長苗而反使之枯死

也趙氏註孟公孫丑上

譬使仁者而必信安有伯夷叔齊使智者而必行安

有王子比干史記孔子世家

君子得時則大行不得時則龍蛇遇不遇命也何必

湛身哉前漢書揚雄傳上

夫餓饉流隸饑寒道路思有裋褐之褻儋石之畜所

願不過一金然終於轉死溝壑何則貧窮亦有命矣

况虐天子之貴四海之富神明之祚可得而妄處哉

前漢書敘傳上

傳稱鼎之為器雖小而重故神之所寶不可奪移至

今負而趨者此亦窮運之歸乎後漢書獻帝紀論

賢者不避害譬猶彀弩射市薄命者先歿後漢書獨行列傳

袞龍出於縕褐卿相起於匹夫故有朝賤而夕貴先

卷而後舒晉書王沈傳

夫食椒非養生之術咀劍豈衛性之經命之所延人

肉其骨而含嚼膏粱時或嬰患深澗乖徼寵之津空

谷絕探榮之轍運之所集物穉其枯而俯仰竿牘終

然離沮

宋書顧
覲之傳

周之尹氏大治產其下趣役者侵晨昏而弗息有老
 役夫筋力竭矣而使之彌勤晝則呻呼而即事夜則
 昏憊而熟寐精神荒散昔昔夢為國君居人民之上
 總一國之事遊燕宮觀恣意所欲其樂無比覺則復
 役人有慰喻其勤者役夫曰人生百年晝夜各分吾
 晝為僕虜苦則苦矣夜為人君其樂無比何所願哉
 尹氏心營世事慮鍾家業心形俱疲夜亦昏憊而寐
 昔昔夢為人僕趨走作役無不為也數罵杖撻無不
 至也眠中呻吟呻呼徹旦息焉尹氏病之以訪其友

友曰若位足榮身資財有餘勝人遠矣夜夢為僕苦

逸之復數之常也若欲覺夢兼之豈可得耶

列子周
穆王

貴之或不生賤之或不死愛之亦不厚輕之或不薄
 此似反也非反也此自生自死自厚自薄或貴之而
 生或賤之而死或愛之而厚或輕之而薄此似順也
 非順也此亦自生自死自厚自薄

列子
力命

北宮子謂西門子曰朕與子竝世也而人子達竝族
 也而人子敬竝貌也而人子愛竝言也而人子庸竝
 行也而人子誠竝仕也而人子貴竝農也而人子富
 竝商也而人子利朕衣則短褐食則糲糲居則蓬室

出則徒行子衣則文繡食則梁肉居則連櫪出則結駟在家熙然有棄朕之心在朝諤然有傲朕之色請謁不相及遨遊不同行固有年矣子自以德過朕邪西門子曰子無以知其實汝造事而窮予造事而達此厚薄之驗歟而皆謂與予竝汝之顏厚矣北宮子無以應東郭先生曰汝之言厚薄不過言才德之差吾之言厚薄異於是矣夫北宮子厚於德薄於命汝厚於命薄於德汝之達也非智得也北宮子之窮非愚失也皆天也非人也而汝以命厚自矜北宮子以德厚自媿皆不識夫固然之理矣西門子曰先生止

矣予不敢復言北宮子既歸衣其短褐有狐貉之溫進其菽菽有稻粱之味庇其蓬室若廣廈之應乘其華輅若文軒之飾終身追然不知榮辱之在彼也在我也東郭先生聞之曰北宮子之寐久矣一言而能寤易怛也哉

列子力命

農赴時商趨利工追術仕逐勢勢使然也然農有水旱商有得失工有成敗仕有遇否命使然也

列子力命

莊子

德充符

父母於子東西南北唯命之從陰陽於人不翅於父

母彼近吾死而我不聽我則悍矣

莊子大宗師

鹿生於山而命懸於厨今嬰之命有所懸矣

呂氏春秋知分

虎豹在山林其命在庖厨馳不益生緩不益死

新序義勇

八

梗生荆山命制輸班

焦氏易林乾之既濟

麥不終夏花不濟春如和氣何

中鑿俗嫌

終始運也短長數也運數非人力之為也曰亦有僂

人乎曰焦僥桂莽產乎異俗就有僂人亦殊類矣

申鑿

俗嫌

竝時遭兵隱者不中同日被霜蔽者不傷中傷未必

惡隱蔽未必善隱蔽幸中傷不幸

王充論衡幸偶篇

螻蟻行於地人舉足而涉之足所履螻蟻莽死足所

不蹈全活不傷火燔野草車轆所致火所不燔俗或

喜之名曰幸草夫足所不蹈火所不及未必善也舉

火行有適然也

王充論衡幸偶篇

人之有吉凶猶歲之有豐耗命有盛衰物有貴賤一

歲之中一貴一賤一壽之間一盛一衰物之貴賤不

在豐耗人之盛衰不在賢愚

王充論衡命義篇

害氣下降凶命先中聖王德施厚祿先逢

王充論衡偶會篇

無祿之人商而無盈農而無播非其性賊貨而命妨

榮也命貧居無利之貨祿惡殖不滋之榮也

王充論衡偶會

篇

知命之工察骨體之證睹富貴貧賤猶人見盤盂之

器知所設用也善器必用貴人惡器必施賤者尊鼎

不在陪廁之側匏瓜不在堂殿之上明矣

王充論衡骨相篇

人之溫病而死也先有凶色見於面部其病遇邪氣

也其病不愈至於身死命壽訖也國之亂亾與此同

驗有變見於天地猶人溫病而死色見於面部也有

水旱之災猶人遇氣而病也災禍不除至於國亾猶

病不愈至於身死也

王充論衡治身篇

草木生於實核出土為栽蘖稍生莖葉成爲長短巨

細皆由實核王者長巨之最也朱草之莖如鐵紫芝

之栽如豆成爲瑞矣王者稟氣而生亦猶此也

王充論衡

初稟篇

富家之翁貲累千金生有富骨治生積貨至於年老

成爲富翁矣夫王者天下之翁也稟氣定於身中猶

鳥之別雄雌於卵殼之中也卵殼孕而雌雄生日月

至而骨節彊彊則雄自率將雌雄非生長之後或教

使爲雄然後乃敢將雌此性氣剛彊自爲之矣夫王

者天下之雄也

王充論衡初稟篇

百歲之壽蓋人年之正數也猶物至秋而死物命之正期也物先秋後秋則亦如人死或增百歲或減百也先秋後秋為期增百減百為數

王充論衡氣壽篇

百歲之命是其正也不能滿百者雖非正猶為命也譬猶人形一丈正形也名男子為丈夫尊公嫗為丈人不滿丈者失其正也雖失其正猶乃為形也夫形不可以不滿丈之故謂之非形猶命不可以不滿百之故謂之非命也

王充論衡氣壽篇

猶珠玉之在山澤天命難知人不耐審雖有厚命猶不自信故必求之也

王充論衡命祿篇

雖其貧賤使富貴若鑿溝伐薪加勉力之趨致疆隄之勢鑿不休則溝深斧不止則薪多無命之人皆得所願安得貧賤凶危之患哉然則或時溝未通而遇湛薪未多而遇虎仕宦不貴治產不富鑿溝遇湛伐薪逢虎之類也

王充論衡命祿篇

賢賤在命不在智愚貧富在祿不在頑慧命賢之人俱學獨達竝仕獨遷命富之人俱求獨得竝為獨成貧賤反此

王充論衡命祿篇

命貴從賤地自達命賤從貴位自危故夫富貴若有

神助貧賤若有鬼禍

王充論衡命祿篇

春夏囚死秋冬王相非能為之也日朝出而暮入非求之也天道自然

王充論衡 命祿篇

富不可以籌筭得貴不可以才能成智慮深而無財才能高而無官懷銀紆紫未必稷契之才積金累玉

未必陶朱之智

王充論衡 命祿篇

夫一棲之雞一欄之羊賓至而有死者豈居異哉故

命有制也知命者則不滯於俗矣

嵇中散集宅無吉凶攝生論

公侯之命稟之自然不可陶易宅是外物方圓由人

有可擇之理猶西施之潔不可為而西施之服可為

也黼黻芳華所以助貌吉宅之家所以成相

嵇中散集答釋

難宅無吉凶攝生論

明闇者才也自然而不可飾焉窮達者時也有會而

不可力焉呂尚非早蔽而晚智然振素而僅遇韓信

非初怯而未勇然危困而後達

抱朴子外篇廣譬

安於命者無往而非逍遙矣故雖匡陳姜里無異於

紫極閒堂也

郭子註 莊秋水

夫命之窮達猶金玉木石也修以學藝猶磨瑩雕刻

也金玉之磨瑩自美其鑿璞木石之段塊自醜其雕

刻安可言木石之雕刻乃勝金玉之鑿璞哉不得以

有學之貧賤比於無學之富貴也

顏氏家訓務學

莊姜適衛美而無寵癭癯適齊醜而蒙幸遇不遇也
遇不遇命也賢不賢性也怨不肖者不通性也傷不
遇者不知命也劉子遇不遇

諸子以顏冉季路逢灾蹈禍或疑其身或非其師是
由魍魎問景乃未得有已也言魍魎責景之無操不
知景之行止而有待或非三子之行殊不知吉凶之
有命也李善註文選幽通賦

才非不傑也主非不明也而碎結綠之鴻輝殘懸黎
之夜色抑尺之量有短哉文選劉峻辨命論

譬天王之冕旒任百官以司職而或者覩湯武之龍

躍謂戡亂在神功聞孔墨之挺生謂英睿擅奇響視

彭韓之豹變謂鷲猛致人爵見張桓之朱紱謂明經

拾青紫豈知有力者運之而趨乎文選劉峻辨命論

薺與麥兮夏零蘭桂踐霜逾馨祿命懸天難明廣文選傳

休奕董逃行歷九秋篇

修心而不知命猶無室而歸意林公孫文子

辯命論曰顏回敗其叢蘭冉耕歌其芣苢爾雅翼女蘿

譬如陶家作諸瓦器或始作而破者或欲成刀治坏

時破者或在塼上破者或下時破者或著地時破者

或拍時破者或坏燥時破者或窰中破者或熟時破

者或移時破者或用時破者修行道地經五陰成敗品

和同

妻子好去聲合如鼓瑟琴詩小雅棠棣

伯氏吹壘音墳仲氏吹篪音池及爾如貫諒不我知詩小雅何

風而有雨則潤澤行朋友同志則恩愛成鄭氏箋詩谷風

江水大汜水小然得竝流似嫡媵宜俱行鄭氏箋詩江有汜

芬香之酒醴饗燕賓客則多得其歡心鄭氏箋詩載芟

百室者出必共洫間而耕入必共族中而居又有祭

酺合醪之歡鄭氏箋詩良耜

共情性之和上下相親與琴瑟之音宮商相應無異

若與琴瑟為友然毛詩正義關雎

今譬于草木寡君在君君之臭味也左傳襄公八年

和如羹焉水火醯醢鹽梅以烹魚肉燂之以薪宰夫

和之齊之以味濟其不及以洩其過君子食之以平

其心君臣亦然左傳昭公二十年

吾從子如驂之靳左傳定公九年

君子敬而無失與人恭而有禮四海之內皆兄弟也

論語顏淵

鳥獸不可與同羣吾非斯人之徒與而誰與論語微子

爾為爾我為我雖袒裼裸裎於我側爾焉能浼我哉

孟子公孫丑上

漁父曰夫聖人者不凝滯於物而能與世推移舉世

混濁何不隨其流而揚其波眾人皆醉何不餽其糟

而啜其醢何故懷瑾握瑜而自令見放為史記屈原傳

事以類相從聲以音相應陸子術事

聖人不賤石而貴玉視之如一河上公註老子巧用

今夫闇飲者非嘗不遺飲也使之自以平則雖愚無

失矣是故不同於和而可以成事者天下無之矣淮南子

子說山訓

四馬不和取道不長父子不和其世破亾兄弟不和

不能久同夫妻不和家室大凶說苑敬慎

比目附翼歡樂相得行止集同終不離忒焦氏易林需之蹇

鹿得美草嗚呼其友九族和睦不憂饑乏焦氏易林比之比

一室十子同心異母以義防患禍災不起焦氏易林大有之小畜

宮商既和聲音相隨焦氏易林謙之同人

白鳥銜餌鳥呼其子施枝張翅來從其母焦氏易林晉之震

宮商角徵五音和起君臣父子弟順有序焦氏易林渙之恒

次五和釋之脂四國之夷測日和釋之脂民說無彊

也

太玄經第二釋

次二上歷施之下律和之非則否

皮被切○太玄經第三應

次二白黑菲菲三禽一角同尾測曰三禽一角無害

心也

太玄經第四昆

夫酸鹹甘苦不同嘉味以濟謂之和羹宮商角徵不同嘉音以章謂之和聲臧否損益不同中正以訓謂之和言趨舍動靜不同雅度以平謂之和行申鑒雜言上不和于民而和于瑟瑟何利于國哉和瑟之音在妾和民之性在君君誠以妾之寵寵于眾以瑟之和和民則妾雖就鼎鑊之戮而諸侯皆以明歸君也天祿

齊姬

身中空虛和氣所行為陰故腎雙為陽故心特陰陽

與和共生物形君臣以和共致太平也

淮南子精神訓解

泰亦

音吳入于困

古淵字回浮于玄傳曰亦入于困天氣

降也回浮于玄地氣騰也

元包太陰

心同琴瑟言鬱郁於蘭茝道協膠漆志婉戀於墳篳

文選劉峻廣絕交論

一人之身俱生父母四支九竅員職不同五臟六腑

各有所受上下不相知中外不相覩頭足為天地肘

膝為四海肝膽為胡越睂目為齊楚若不同生異軀

殊體動不相因靜不相待九天之上黃泉之下未足以喻之然而頭有疾則足不能行臂有病則口不能言心得所安則耳目聰明屈伸調利百節輕便者以同形也道德經指歸卷八

决斷

遇雨之吉羣疑亾也易睽

官占之法先斷人志後命於元龜孔氏傳書大禹謨

若射之有志書盤庚上

夫决者智之君也疑者事之役也後漢紀光武一

國有元龜可以决大謀朝有公卿可以定進否晉書符堅上

下傳

吳起之出愛妻文公之斬顛頡皆違其情者也故能使人彈疽者必其忍痛者也韓子外儲說右上

次七庚斷甲我心孔碩乃後有鑠測曰庚斷甲義斷

仁也太玄經第三斷

太公六韜云卜戰龜兆焦筮又不吉太公曰枯骨朽

著不踰人矣困學紀聞卷十一攷史

昔有一國王為毒虵所齧王時欲死呼諸良醫令治

虵毒時諸醫言還令虵噉毒氣乃盡是時諸醫各設

呪術所齧王虵即來王所諸醫積薪然火勅虵還噉

汝毒若不爾者當入此火毒虵思惟我既吐毒云何還噉此事劇死思惟定心即時入火

大智度論卷二

彊力

田者不彊困倉不盈商賈不彊不得其贏婦女不彊布帛不精官御不彊其勢不成大將不彊卒不使令侯王不彊沒世無名故云彊者事之始也分之理也物之紀也

史記龜策傳

角知者皆窮角力者皆負形不堪復仇執不足復校

乃始羈管係頸就我之銜繼耳

後漢書仲長統列傳

明公擁之以為爪牙譬驅虎兇以赴犬羊

後漢書鄭太列傳

天不可以不剛不剛則三光不明王不可以不彊不

彊則宰牧從橫

後漢書丁鴻列傳

男以彊為貴女以弱為美故鄙諺有云生男如狼猶

恐其尪生女如鼠猶恐其虎

後漢書列女傳

黑卵悍志絕眾力抗百夫筋骨皮肉非人類也延頸

承刃披胸受矢鉞鏑摧屈而體無痕撻負其材力視

來丹猶雛鷓也

列子湯問

三虎搏狼力不相當如鷹格雉一擊破亾

焦氏易林兗之漸

次五踈

居預切

戰嗜嗜若能若臙測曰踈戰嗜嗜恃力

作王也

太玄經第三衆

夫墾草殖穀農夫之力也勇猛攻戰士卒之力也構架斲削工匠之力也治書定簿佐史之力也論道議政賢儒之力也人生莫不有力所以為力者或尊或卑孔子能舉北門之關不以力自章知夫筋骨之力不如仁義之力榮也王充論衡效力篇

鷹擊雀鶚啄雁未必鷹鶚南方雀雁西方自以筋力

勇壯相勝服也太平御覽羽族部鷹

譬如士夫用力乘船逆流而上身小疲怠船則倒還

順流而下雜阿含經卷十八

如四大中火最有力能照能燒大智度論卷二十七

譬如金翅鳥王普觀諸龍命應盡者以翅搏海令水

兩闢取而食之大智度論卷二十七

譬如師子有所搏撮不以小物故而改其壯勢大智度論

卷三十四

如能浮人心欲強故而不沉沒亦如猿猴從高上墮

心力強故身無痛患三昧法門經卷下

唯

卷三十一

三



國家圖書館, NATIONAL CENTRAL LIBRARY, TAIWAN, R.O.C.



喻林卷三十八



宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 三十六

見節

歲寒然後知松栢之後彫也

論語
子罕

大寒之歲衆木皆死然後知松栢小彫傷平歲則衆木亦有不死者故須歲寒而後別之凡人處治世亦能自脩整與君子同在濁世然後知君子之正不苟

NATIONAL CENTRAL LIBRARY, TAIWAN, R.O.C.



容

何晏解
論子罕

風霜以別草木之性危亂而見貞良之節

後漢書盧植列傳論

渭以涇濁乃顯其清玉居鑠石乃見其貞

後漢書何顒傳贊

爾乃松柳異質薺荼殊性故疾風知勁草嚴霜識貞

木

宋書顧

運纏明夷則艱貞之節顯時屬棟撓則獨立之操彰

宋書李義

固此苦節易彼歲寒霜雪雖厚松栢丸丸

宋書李義潘綜傳

嚴冬播氣貞松之操自高見景時昏若華之映彌顯

南齊書高帝木紀

白玉投泥豈能相污

魏書穆崇曾孫潏傳

泥漬自消玉質還潔

魏書韓麒麟子熙傳

迅寒急節乃見松筠之操危機迴構方識貞孤之風

南史袁湛顓弟子彖傳

歲不寒無以知松栢事不難無以知君子

荀子大畧

見邪乃知其直觀花乃知其實

陸子思務

夫大寒至霜雪降然後知松栢之茂也據難履危利

害陳於前然後知聖人之不失道也

淮南子倣真訓

歲寒然後知松栢之後彫也世隘然後知其人之篤

固也

潛夫論交際

命木

人事

卷三十一

見節

二

玄冰未結白雪不積則青松之茂不顯俗化不弊風
教不頹則皎潔之操不別抱朴子外
篇廣譬

風不輟則扇不用日不入則燭不明華不墮則實不

結岸不虧則谷不盈九有人安則韓白之功不著長

君繼軌則伊霍之勲不成故病困乃重良醫世亂而

貴忠貞抱朴子外
篇廣譬

幽蘭生前庭含薰待清風清風脫然至見別蕭艾中

陶靖節集
詩五言

夫士有忠義之行踐繩墨之節其於為作乃無異於

衆人及至處患蹈難而志氣貞剛然後知其殊也譬

如鍾山之玉寒嶺之松比之瑤珉梓柳無殊也及其

燒以爐炭三日而色不改處於積水終歲而枝葉不

彫然後知其異於他玉衆木也劉子
大質

袒裼暴虎而後勇氣發焉超騰絕坂而後迅便露焉

手提萬鈞而後多力見焉處難踐患而後貞勇出焉

劉子
大質

殺身以成名節成而身死故曰以死償節莊子音義
庚桑楚

桂露霜露而色不渝身經夷險而操不易李善註文
選江文通

雜體
詩

香以燔質而發芳絃以特絕而流響喻貞女沒身而

譽立烈士效節而名彰也

李善註文選陸士衡演連珠

勁松彰於歲寒貞臣見於國危

文選西征賦

松栢隆冬瘁然後知歲寒不涉太行險誰知斯路難

文選歐陽建臨終詩

道遠知驥世偽知賢

廣文選曹子建矯志詩

弧弓弛而不張兮孰云知其所至無傾危之患難兮

焉知賢士之所死

楚辭東方朔哀命

霜雪既至勁栢冬青

藝文類聚人部交友箴

良玉以經焚不渝故其貞可賚竹栢以蒙霜保榮故

見殊列樹

藝文類聚職官部司空立牌

女貞之樹一名冬生負霜葱翠振柯凌風故清士欽

其質而貞女慕其名

藝文類聚木部女貞頌

寒松負雪誠愧節者之徒勁草疾風寧忘烈士之槩

文苑英華徐陵贈荅上書

有美金于此衆人咸共詆訛言其不純賣金者欲其

售因取鍛燒以見真

太平御覽珍寶部金下

根爲石所蟠枝爲風所碎賴我有貞心終凌細草輩

初學記果木部松

譬如微妙淨琉璃寶雖復在泥經歷百年其性常淨

出已如本

大方等大集經十一

譬如真金在泥終不敗壞銅鐵則壞

大智度論卷九十三

輕羽在高遇風則飛細石在谿得流則轉唯泰山不為飄風動磐石不為疾流移梅李遇霜而落葉唯松栢之難凋矣

弘明集牟子理惑論

明覺

予若觀火

書盤庚上

他人有心予忖度之躍躍

音音 躄

兔遇犬獲之

詩小雅巧

言

良醫知病人之死生聖王明於成敗之事利則行之害則舍之疑則少嘗之雖堯舜禹湯復生弗能改已

戰國策秦昭襄王

夫草木遭霜者不可以風過清水明鏡不可以形逃

通方之士不可以文亂

前漢書韓安國傳

金之精者能昭穢者不能昭有能昭之精金寧有不

昭之穢質

梁書范縝傳

有道之士貴以近知遠以今知古以益所見知所不見故審堂下之陰而知日月之行陰陽之變見瓶水之冰而知天下之寒魚鱉之藏也嘗一胷肉而知一

鑊之味一鼎之調

呂氏春秋察今

齊桓公與管仲謀伐莒謀未發而聞於國桓公恠之

齊桓公與管仲謀伐莒謀未發而聞於國桓公恠之

明覺

五

管仲曰國必有聖人也桓公曰嘻日之役者有執蹠
瘠而上視者意者其是耶乃今復役無得相代少頃
東郭牙至管仲曰我不言伐莒子何故言伐莒對曰
臣聞君子善謀小人善意臣竊意之也管仲曰我不
言伐莒子何以意之對曰臣聞君子有三色顯然善
樂者鍾鼓之色也湫然清靜者衰經之色也艷然充
盈手足矜者兵革之色也日者臣望君之在屋上也
艷然充盈手足矜者此兵革之色也君喏而不吟所
言者莒也君舉臂而指所當者莒也臣竊以慮諸侯
之不服者其惟莒乎臣故言之凡耳之聞以聲也今

不聞其聲而以其容與臂是東郭牙不以耳聽而聞

也桓公管仲雖善匿弗能隱矣

呂氏春秋重言

齊桓公朝而與管仲謀伐衛退朝而入衛姬望見君
下堂再拜請衛君之罪公曰吾於衛無故子曷爲請
對曰妾望君之入也足高氣彊有伐國之志也見妾
而有動色伐衛也明日君朝揖管仲而進之管仲曰
君舍衛乎公曰仲父安識之管仲曰君之揖朝也恭
而言也徐見臣而有慙色臣是以知之君曰善仲父
治外夫人治內寡人知終不爲諸侯笑矣桓公之所
以匿者不言也今管子乃以容貌音聲夫人乃以行

步氣志桓公雖不言若暗夜而燭燎也

呂氏春秋精論

夫雌雄相接陰陽相薄羽者為雛鷺毛者為駒犢柔者為皮肉堅者為齒角人弗恠也水生蠃蜃山生金玉人弗恠也老槐生火久血為燐人弗恠也山出隍陽水生罔象木生畢方井生墳羊人恠之聞見鮮而識物淺也天下之恠物聖人之所獨見也利害之反覆知者之所獨明也同異嫌疑者世俗之所眩惑也

淮南子
汜論訓

處於堂上之陰而知日月之次序見瓶中之冰而知天下之寒暑夫物之所以相形者微唯聖人達其至

淮南子
兵畧訓

嘗一嚙肉而知一鑊之味懸羽與炭而知燥溼之氣以小明大見一葉落而知歲之將暮睹瓶中之冰而知天下之寒以近論遠
淮南子
說山訓
千年之松下有茯苓上有兔絲上有叢菁下有伏龜聖人從外知內以見知隱也
淮南子
說山訓
夫兒說之巧於閉結無不解非能閉結而盡解之也不解不可解也至乎以弗解解之者可與及言論矣

淮南子
人間訓

夫物常見則識之常為則能之故因其患則造其備

犯其難則得其便夫以一世之壽而觀千歲之知今古之論雖未常更也其道理素具可不謂有術乎淮南

子泰族訓

客有見周公者應之於門曰何以道且也客曰在外即言外在內即言內入乎將毋周公曰請入客曰立即言義坐即言仁坐乎將毋周公曰請坐客曰疾言則翕翕徐言則不聞言乎將毋周公唯唯且也踰明日興師而誅管蔡故客善以不言之說周公善聽不言之說若周公可謂能聽微言矣韓詩外傳卷四

小窻多明道理利通

焦氏易林咸之乾

次二明復睽

失冉切

天覩其根測曰明復睽天中獨耀

也

太玄經第八卷

客有見淳于髡於梁惠王者再見之終無言也惠王恠之以讓客曰子之稱淳于生言管晏不及及見寡人寡人未有得也寡人未足為言邪客謂髡曰固也吾前見王志在遠後見王志在音吾是以默然客具報王大駭曰嗟乎淳于生誠聖人也前淳于生之來人有獻龍馬者寡人未及視會生至後來人有獻謳者未及試亦會生至寡人雖屏左右私心在彼夫髡之見惠王在遠與音也雖湯禹之察不能過也志在

胷臆之中藏匿不見髡能知之

王充論衡知實篇

夫智出於明猶晝之待白日夜之待燭火其明益盛

者所見及遠及遠之明難

劉邵人物志八觀

夫在天者垂象在地者有形故望山度水則高深可推風起雲飛則吉凶可步智者觀木不瘁則悟美王之在山覲岸不枯則覺明珠之沉淵彗星出則知鱸魚之方死日月蝕則識麒麟之共鬪華霍不須稱而無限之重可知矣江河不待量而不測之數已定矣鴻鵠之翼驟騏之足雖未飛走輕迅可必也豪曹之劍徐氏七首雖未必奮擊其立斷無疑也駁子有吞

牛之容鶚鷺有凌鷺之貌卉茂者土必沃魚大者水

必廣虎尾不附狸身象牙不出鼠口

抱朴子外篇清鑒

路人不能挽勁命中而識養由之射顏子不能控轡

振策而知東野之敗故有不能下碁而經目識勝負

不能徽絃而過耳解鄭雅者

抱朴子外篇博喻

顏淵弱冠而與仲尼言易童烏九齡而與揚子論玄

揚子法言註問神篇

且明智之為物猶泉流之吐潤固不於挹酌而為損

含佇而增益

一作盈

也

廣文選伏公表與阮步兵書

託闇藏形不為巧密倚智隱情不足自匿是以重光

發藻尋虛捕景大人貞觀探心昭忒

文選陸機演連珠

夫人藏形於闇自以為密日發光藻而照之隱情於

智自以為匿聖人垂貞觀而明之

文選陸士衡連珠註

蔡邕在陳畱鄰人有以酒食名邕者比往而酒以酣

客有彈琴於屏邕至門潛聽之曰以樂名我而有殺

心何也彈琴者曰我向見螳螂方向鳴蟬蟬將去而

未飛螳螂為之一前一却吾心聳然唯恐螳螂之失

蟬也此豈為殺心而形於聲者乎

藝文類聚樂部琴

緹幔曉披卽辨黃鍾之氣靈臺夕望便知玉井之色

藝文類聚方術部卜筮序

聞鍾於洛浦卽辨聲乖聽鐸於邯鄲先知響韻

文苑英華

庚信雜進奉表

心能善知人者如明鏡善自知者如蚌鏡以曜明故

鑿人蚌以含珠故內照

太平御覽服用部鏡

夫審輕重莫若權衡正是非其唯賢明

太平御覽資產部党項

東海之魚墜一鱗崑崙之木落一葉聖人皆能知之

太平御覽木部下

一螿之行一蚊之飛聖人皆知之

太平御覽蟲豸部蚊

尸子曰聖人之身猶日也天日圓尺光盈天地聖人

之身小其所燭遠

初學記人部聖註

命木人事

卷三十八

明覺

十

瑾戶牖而知天掩雲霧而測暉

初學記器
物部漏刻

初邕避難江南宿於柯亭之館以竹為簫邕仰而盼

之曰良竹也取以為笛奇聲獨絕

初學記樂
部笛註

聖人之通萬物也若日月之光影音聲鼓響聞其聲

而知其形

黃帝素問靈樞
經五音五味

日與月焉水與鏡焉鼓與響焉夫日月之明不失其

影水鏡之察不失其形鼓響之應不後其聲動搖則

應和盡得其情

黃帝素問靈
樞經外篇

譬如有人懸於明鏡見其色像曉了分明無有障蔽

元陽寶鏡亦復如是

元陽妙
經卷九

欲得五眼所謂肉眼天眼慧眼法眼佛眼

波羅密多
經卷三

譬如田家以囊器盛若干種穀麻米粟豆大麥小麥

稻穰明目之人寫之置地分別知之是為麻油是為

粳米是豆粟是為稻穰

允讚波羅
密經卷九

譬如轉輪聖王知土地長短廣狹譬如瓦師作器知

大小深淺

允讚波羅
密經卷九

譬如比丘有天眼者能見遠方諸善惡色

大寶積
經二十一

譬如空中無諸雲霧日輪炎盛放大光明遍照於世

大寶積經
三十七

如日處空離雲霧光明晃曜普皆照

大寶積經
六十一

彼大商主雖未發足能知道中所有的一切安危之事
善以智慧籌量觀察備其所須令無乏少將諸商衆
乃至安隱到彼大城身及衆人悉免憂患
大方廣佛華嚴經三十四

善知識者則爲導師教化令至彼岸道故善知識者
則爲良醫療治一切煩惱患故善知識者則爲雪山
長養明淨智慧藥故善知識者則爲勇將防護一切
諸恐怖故善知識者則爲牢船悉令越度生死海故
善知識者則爲船師令至一切智法寶洲故
大方廣佛華嚴經卷五十八

譬如持燈火入冥室火適入室便亾其冥自明明人

有智慧譬如火光
那先比丘經卷上

譬如農夫開倉種種別知麻米豆麥等
思惟要畧法

如好馬見鞭影卽覺便著正道
大智度論卷一

譬如說藥已知其病說病則知其藥
大智度論卷十八

譬如良醫診病知瘥久近可治不可治也
大智度論卷五十一

如斧枿薪分分解散竟無所失
大智度論卷七十一

夫見博則不迷聽聰則不惑
弘明集牟子理惑論

先見

過伯有氏其門上生莠子羽曰其莠猶在乎
左傳襄公二十

夫有男戎必有女戎若晉以男戎勝戎而戎亦必以

女戎勝晉 國語

初獻公將伐驪戎卜曰齒牙為禍 史記晉世家

處仲蜂目已露但豺聲未振若不噬人亦當為人所

噬 晉書王敦傳

指洛陽宮門銅駝歎曰會見汝在荆棘中耳 晉書索靖傳

志者察是非龜者知吉凶故曰養志法靈龜 鬼谷子本經陰

符註

充目也損者謂減損他慮專以心察也充能知得失

著能知休咎故損充法靈著也 鬼谷子本經陰符註

先物行先理動之謂前識前識者無緣而忘意度也

何以論之詹何坐弟子侍有牛鳴於門外弟子曰是

黑牛也而白題詹何曰然是黑牛也而白在其角使

人視之果黑牛而以布裹其角以詹子之術嬰眾人

之心華焉殆矣故曰道之華也嘗試釋詹子之察而

使五尺之愚童子視之亦知其黑牛而以布裹其角

也故以詹子之察苦心傷神而後與五尺之愚童子

同功是以曰愚之首也故曰前識者道之華也而愚

之首也 韓非子解老

扁鵲見蔡桓公立有間扁鵲曰君有疾在腠理不治將恐深桓侯曰寡人無扁鵲出桓侯曰醫之好欲治不病以爲功居十日扁鵲復見曰君之病在肌膚不治將益深桓侯不應扁鵲出桓侯又不悅居十日扁鵲復見曰君之疾在腸胃不治將益深桓侯又不悅居十日扁鵲出桓侯又不悅居十日扁鵲望桓侯而還走桓侯故使人問之扁鵲曰疾在腠理湯熨之所及在肌膚鍼石之所及也在腸胃火齊之所及也在骨髓司命之所屬無奈何也今在骨髓臣是以無請也居五日桓侯體痛使人索扁鵲已逃秦矣桓侯遂死故良

醫之治病也攻之於腠理此皆爭之於小者也夫事

之禍福亦有腠理之地故曰聖人早從事焉

韓非子喻老

紂爲象著而箕子怖以爲象著必不盛羹於土簋則必犀王之盃玉盃象著必不盛菽藿則必旄象豹胎旄象豹胎必不衣短褐而舍茅茨之下則必錦衣九重高臺廣室也稱此以求則天下不足矣聖人見微以知萌見端以知末故見象著而怖知天下之不足也

也

韓非子說林

彼人生不學道理則嘿然懵於得失不知治亂存亡之所由然恇恇猶醉也而賢主者學問不倦好道不

厭銳然獨先廼學道理矣故未治也知所以治未亂也知所以亂未安也知所以安未危也知所以危故昭然先寤乎所以存亾矣故曰先醒辟猶俱醉而獨先發也故世主有先醒者有後醒者有不醒者

先醒

賈子新書

福之萌也絲絲禍之生也分分禍福之始萌微故民嫚之唯聖人見其始而知其終故傳曰魯酒薄而邯鄲圍羊羹不斟而宋國危

淮南子繆稱訓

德有盛衰風先萌焉故得王道者雖小必大有亡形者雖成必敗夫夏之將亾太史令終古先奔於商三

年而桀乃亡殷之將敗也太史令向藝先歸文王三十年而紂乃亡故聖人之見存亡之迹成敗之際也非乃鳴條之野甲子之日也

淮南子汜論訓

莊王誅里史孫叔敖制冠浣衣文公棄荏席後讒

梅

黑咎犯辭歸故桑葉落而長年悲也

淮南子說山訓

紂為象著而箕子唏魯以偶人葬而孔子嘆故聖人見霜而知冰

淮南子說山訓

夫鴻鵠之未孚於卵也一指箴之則靡而無形矣及至筋骨之已就而羽翮之所成也則奮翼揮獵凌乎浮雲背負青天膺摩赤霄翱翔乎忽荒之上彷徨乎

虹蜺之間雖有勁弩利矰微繳蒲且子之巧亦弗能加也江水之始出於岷山也可撻衣而越也及至乎下洞庭驚石城經丹徒起波濤舟航一日不能濟也是故聖人者常從事於無形之外而不畱思盡慮於成事之內是故患禍弗能傷也淮南子人間訓小人不知禍福之門戶妄動而絳羅網雖曲為之備何足以全其身譬猶失火而鑿池被裘而用簞也且塘有萬穴塞其一魚遽無由出室有百戶閉其一盜遽無從入夫牆之壞也於隙劔之折必有齧聖人見之蚤故萬物莫能傷也淮南子人間訓

太宰子朱侍飯於令尹子國令尹子國啜羹而熱投卮漿而沃之明日太宰子朱辭官而歸其僕曰楚太宰未易得也辭官去之何也子朱曰令尹輕行而簡禮其辱人不難明年伏郎尹而笞之三百夫仕者先避之見終始微矣淮南子人間訓見亾知存見霜知冰說苑談叢叔姬之始生叔魚也而視之曰是虎目而豕喙鳶肩而牛腹谿壑可盈是不可饜也必以賂死烈女傳周列國晉羊

叔姬

荅子治陶三年名譽不興家富三倍其妻數諫不用

居五年從車百乘歸休宗人擊牛而賀之其妻獨抱
兒而泣姑怒曰何其不祥也婦曰夫子能薄而官大
是謂嬰害無功而家昌是謂積殃昔楚令尹子文之
治國也家貧國富君敬民戴故福結於子孫名垂於
後世今夫子不然貪富務大不顧後害妾聞南山有
玄豹霧雨七日而不下食何也欲以澤其毛而成文
章也故藏而遠害犬彘不擇食以肥其身坐而須死
耳今夫子治陶家富國貧君不敬民不戴敗亡之徵
見矣烈女傳周列國陶荅子妻
先知其幾於神乎敢問先知曰不知知其道者其如

視忽眇繇作昞先甲一日易後甲一日難

揚子先
知篇

國子修短吉凶卜於龜士之兆卜于琴瑟今臣之鼓

瑟也始彈白駒其聲戾以殺繼而彈關雉其聲婉以

和臣故得禮於賢主也

天祿閣外
史災異

觀九天之變鑽龜占兆

淮南子覽
冥訓解

王命之當興也猶春氣之當為夏也其當亡也猶秋

氣之當為冬也見春之微葉知夏有莖葉觀秋之零

實知冬之枯萃

王充論衡
異虛篇

人命稟於天則有表候於體察表候以知命猶察斗

斛以知容矣

王充論衡
骨相篇

且夫所貴貴乎見俊才於無名之中料逸足乎吳坂
 之間掇懷珠之蚌於九淵之底指含光之珍於積石
 之中若伯喈識絕音之氣於煙燼之餘平子剔逸響
 之竹於未用之前六軍之聚市人之會暫觀一覩無
 所眩惑探其潛生之心計定其始終之事行乃為獨
 見不傳之妙耳

抱朴子外
篇清鑒金

必俟考其操蹈之全毀觀其云為之好醜此為絲線
 既經於銓衡布帛已歷於丈尺徐乃說其斤兩之輕
 重端匹之脩短人皆能之何煩於明哲哉

抱朴子外
篇清鑒

於累基之際議治裘不於羣狐之中

抱朴子外
篇知止

龜策不出聖謀聖謀定將來之基龜策告未然之事

遞相表裏安有異同

關氏
易傳

穴藏先知雨陰暄未集魚已噉喙巢居之鳥先知風

樹未搖鳥已翔

李善註文選
張茂先雜詩

神龍不處網罟之水鳳凰不翔尉羅之鄉賢人不入

危國智者不輔亂君

意林
任子

曹公使蔣幹說周瑜瑜先覺之謂幹曰吾雖不及夔

曠聞絃賞音足知雅曲也

事文類
聚知人

水之激也實濁其源木之蠹也將拔其根是以延年

之家預論掃墓羊舌之族先知滅門文苑英華
庾信連珠

昔呂望周公問於施政各知其後所以終顏淵乘駟

之日見東野車之馭知其將敗子貢觀邾魯之會而

昭其所以喪仲尼聞師曠之絃而識文王之操季子

聽樂覽衆國之風何必足履目見乎弘明集牟
子理惑論

見幾

且初爲霰者久必暴雪毛詩正
義頗并

惡傷其類視其下等懼次及也語曰鳶鵲蒙害仁鳥

增逝此之謂也趙氏註孟
離婁上

次七見于纍後乃克飛測曰見于纍幾不足高也大
玄

經第
四逃

林不容兮鳴蜩國不養民賢宜退也余何留兮中州

我去諸夏將遠逝也王逸註楚
辭九懷

剝巢破卵鳳凰爲之不翔焚林而畋澠池而魚龜龍

爲之不遊王充論衡
指瑞篇

夫淵竭池漉則蛟龍不游巢傾卵拾則鳳凰不集居

言于室而翔鷗不下凡卉春剪而芝蕙不秀世俗醜

正慢辱將臻彼有道者安得不超然振翅乎風雲之

表而翻爾藏軌於玄漠之際乎抱朴子內
篇明本

夫傾庶鳥之巢則靈鳳不集漉魚鼈之池則神虬遐

逝剗凡獸之胎則麒麟不時其郊害一介之士則英

傑不踐其境抱朴子外篇逸民

盖梟鴟屯飛則鴛鳳幽集豺狼當路則麒麟遐遁舉

善而教則不仁者遠矣姦偽榮顯則英傑潛逝抱朴子外篇審

舉

徙薪曲突於方熾之火纒舟弭楫於衝風之前瞻九

寤而深沈望密蔚而曾逝不託巢於葦苕之末不偃

寢乎崩山之崖者也抱朴子外篇知止

若夫善卷巢許管胡之徒咸蹈雲物以高鶩依龍鳳

以疎迹覘韜鋒於香餌之中寤覆車乎來軻之路澄

險塗以遐濟故能免詹何之釣緡可謂善料微景於

形外觀堅冰於未霜抱朴子外篇知止

仁虎匿爪神龍隱鱗李善註文選任彦升宣德皇后令

却騏驥而不乘兮策駑駘而取路當世豈無騏驥兮

誠莫之能善御見執轡者非其人兮故駒跳而遠去

文選宋玉九辯

鳧鴈皆唼夫梁藻兮鳳愈飄翔而高舉文選宋玉九辯

鷹隼羣飛鳳凰遠遊小人成列君子深藏諺曰脂粉

雖多醜面不加膏澤雖光不可潤草意林唐子

趙之相者曰林氏有九子皆賢國人美而稱之號曰

九德之父十德之門趙王疾之王乃使擇其果之煩者伐之其父曰果之茂者猶伐之况其人乎吾將以爾為累矣去之則免乃携老持子逃於白雲之巖

御覽果部果

譬如有人乘於瓦船入於河中心作是念如此瓦船不久當壞未沒以來可速度岸以免水難六寶積經六十六猶去村不遠有小肉鬻墮在露地或鳥或鷄持彼肉去餘鳥鷄鳥競而逐之若此鳥鷄能速捨此小肉鬻者餘鳥鷄鳥當復競逐耶居士答曰不也中阿含經卷五十五譬如失火之家黠慧之人明識形勢及火未至急出

財物舍雖燒盡財物悉在更修室宅

大智度論卷十一

譬如空聚落賊所止處智者不應久住

大智度論卷五十二

有備

蓄聚美菜者以禦冬月之無時也

鄭氏箋詩谷風

藩落高峻絕穿窬之心

魏志劉瓛傳

太公曰戰攻守禦之具盡在於人事耒耜者其行馬疾藜也馬牛車輿者其營壘蔽櫓也鋤耰之具其矛戟也蓑薜登笠者其甲冑干櫓也鑿鍾斧鋸杵臼其攻城器也牛馬所以轉輸糧也雞犬其伺候也婦人織紝其旌旗也丈夫平壤其攻城也春鋤草棘其戰

車騎也夏耨田疇其戰步兵也秋刈禾薪其糧食儲備也冬實倉廩其堅守也田里相伍其約束符信也里有吏官有長其將帥也里有周垣不得相過其隊分也輸粟取芻其廩庫也春秋治城郭脩溝渠其壑壘也故用兵之具盡於人事也

太公六韜農器

不行其野不違其馬

管子形勢

食無備粟不可以待凶饑庫無備兵雖有義不能征無義城郭不備全不可以自守心無備慮不可以應

卒

墨子七患

夫桀無待湯之備故放紂無待武王之備故殺桀紂

貴為天子富有天下然而皆滅亾於百里之君者何

也有富貴而不為備也故備者國之重也

墨子七患

魚得水而遊焉則樂塘決水涸則為螻蟻所食有掌修其隄防補其缺漏則魚得而利之

淮南子主術訓

同日被霜蔽者不傷愚者有備與知者同功

淮南子人間訓

虎兇所以能執熊羆服羣獸者爪牙利而攫便也秦所以趨諸侯吞天下并敵國者險阻固而勢居然也

故龜倡有介狐貉不能禽蝮蛇有螫人忌而不輕故

有備則制人無備則制於人

鹽鐵論險固

孟賁奮臂眾人輕之怯夫有備其氣自倍况以吳楚

之士舞利劍蹶強弩以與貉虜騁於中原一人當百

不足道也鹽鐵論論勇

重茵厚席循高採藿雖躓不懼後反其處焦氏易林屯之豫

擁遏隄防水不得行焦氏易林比之大畜

畜水備火終無災禍焦氏易林大有之節

張弓控弩經涉山道雖有伏虎誰敢害者焦氏易林豫之噬嗑

乘船涉濟載水逢火焦氏易林頤之謙

畜水待時以備火災焦氏易林大過之歸妹

次六泉源洋洋銍音飲于丘園測曰泉源之銍不可譏

也六六玄經第五除

譬如麟角鳳距何必用之抱朴子外篇自敘

乘車之法尊者居左御者居中又有一人處車之右

以備傾側是以戎事則稱車右其餘則曰驂乘前漢書註

文帝紀

酒猶兵也兵可千日而不用不可一日而不備酒可

千日而不飲不可一飲而不醉事文類聚酬飲

夫城之有郭猶骨之有皮表裏各異則保障不完皮

骨分離則一體不具初學記居處部城郭註

猶如帝王具足無量珍寶樂具而須城舍墻塹莊嚴

防斷盜賊靈寶秘密經

如有軍將臨戰陣時善備種種鎧鉀刀杖隣國怨敵

所不能害

波羅蜜多經卷三百五十一

如善射人甲冑堅固執好弓箭不懼怨敵

波羅蜜多經卷三百

五十六

如人手執利器乃可與賊相禦若無所執而對強敵

反以為害

禪法要解經卷上榮九

翰林卷三十九

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門三十七

豫圖

水在火上既濟君子以思患而豫防之易既濟

今日當預思明日之事如家人宿火矣左傳正義昭二十九年

為虺弗摧為蛇將若何國語吳

德不素積人不為用備不豫具難以應卒後漢書馮衍傳

治疾及其未篤除患貴其未深吳志駱統傳

原火不撲蔓草難除青青不伐終致尋斧宋書武三王傳

去草絕根在於未蔓撲火止燎貴乎速滅陳書周迪傳

善戰者不待張軍善除患者理於未生勝敵者勝於

無形上戰無與戰故爭勝於白刃之前者非良將也

設備於已失之後者非上聖也太公六韜軍勢

慮不先定不可以應卒兵不閑習不可以當敵鄧析子無厚篇

不用在早圖不窮在早稼鄧析子轉辭篇

凡治身養性節寢處節飲食和喜怒便動靜使在已

者得而邪氣因而不生豈若憂瘕疵之與瘞疽之發

而豫備之哉淮南子詮言訓

夫至巧不用劔善閉者不用關鍵淮南子說山訓

良醫者常治無病之病故無病聖人者常治無患之

患故無患也淮南子說山訓

事者難成而易敗也名者難立而易廢也千里之隄

以螻蟻之穴漏百尋之屋以突隙之煙焚人莫蹟於

山而蹟於垤是故人皆輕小害易微事以多悔患至

而後憂之是猶病者已倦而索良醫也雖有扁鵲俞

跗之巧猶不能生也淮南子人間訓

殘材木以成室屋者非良匠也殘賤民人而欲治者非良吏也故公輸子因木之宜聖人不費民之性是以斧斤簡用刑罰不任政立而化成扁鵲攻於腠理絕邪氣故癰疽不得成形聖人從事於未然故亂原無由生是以砭石藏而不施法令設而不用斷已然鑿已發者凡人也治未形覩未萌者君子也鹽鐵論大論所貴良醫者貴其審消息而退邪氣也非貴其下鍼石而鑽肌膚也所貴良吏者貴其絕惡於未萌使之不為非非貴其拘之囹圄而刑殺之也鹽鐵論申韓兵不豫定無以待敵計不先慮無以應卒說苑談叢

富必念貧壯必念老年雖幼少慮之必早

說苑談叢

不困在於早慮不窮在於早豫

說苑談叢

或曰奔壘之車沈流之航可乎曰否或曰焉用智曰

用智於未奔沈大寒而後索衣表不亦晚乎

揚子寡見

賊方至以疾走為務食不消以黃丸為先子徒知此

為賢於安須臾與求乞胡而不知制賊病於無形事

功幽而無跡也夫救火以水雖自多於抱薪而不知

曲突之先物矣

嵇中散集難宅無吉凶攝生論

君子欲正其末必端其本欲輟其流則遏其源

抱朴子外

篇守

旱極則水水極則旱故於旱時而預蓄舟水時預蓄車以待其貴收其利也

前漢書註貨殖昔先王傳

已亂而後治之戰鬪而後獲勝則不足貴

前漢書註匈奴傳

御災在於未發思患在乎預防

揚子法言註寡見篇

甲者一旬之始已有之祕也先之一日未兆也後之一日已形也夫求福於未兆之前易救禍於已形之

後難

揚子法言註先知篇

伐謀先兆擠響於音

文選陸士衡功臣頌

將伐其謀先其未兆欲墜其響在於為音然兆為謀

始響為音初也

李善註文選陸士衡漢功臣頌

渴而後穿井飢而後殖種可以圖遠難以應卒也

補文

選曹植諫伐遼東表

夫瘡之未發也陰未并陽陽未并陰因而調之真氣

得安邪氣乃亡故工不能治其已發為其氣逆也

黃帝

素問內經瘡論

聖人不治已病治未病不治已亂治未亂此之謂也

夫病已成而後藥之亂已成而後治之譬猶渴而穿

井鬪而鑄兵不亦晚乎

黃帝素問內經四氣調神大論

上工救其萌芽必先見三部九候之氣盡調不敗而

救之故曰上工下工救其已成救其已敗

黃帝素問內經八正

論神明

善治者治皮毛其次治肌膚其次治筋脉其次治六府其次治五藏治五藏者半死半生也

黃帝素問內經陰陽應象

大論

上工刺其未生者也其次刺其未盛者也其次刺其已衰者也下工刺其方襲者也與其形之盛者也與其病之與脉相逆者也故曰方其盛也勿敢毀傷刺其已衰事必大昌故曰上工治未病不治已病此之

謂也黃帝素問靈樞經逆順

且一身猶一國也胸腹之位猶宮室也四肢之列猶

郊境也骨節之分猶百官也神猶君也血猶臣也氣

猶民也故知理身則知理國愛其民所以安其國吝

其氣所以全其身民散則國亡氣竭則身死亡者不

可存死者不可生所以至人消未起之患理未病之

疾堅守之於無事之前不追之於既逝之後

廣黃帝本行記

治之未亂正之未傾禁姦之本制偽之端閉邪之戶

塞枉之門道德經指歸卷十一

大難之將生也猶風邪之中人未然之時慎之不來

在於皮毛湯熨去之入於分理微箴取之在於藏府

百藥除之入於骨髓天地不能憂而造化不能治

道德

未疾之人易為醫也未危之國易為謀也萌芽之患

易事也小弱之禍易憂也

道德經指
歸卷十一

任車未虧僮子行之及其傾覆也顛高墮谷千人不
能安卵之未剖也一指摩之及其為飛鴻也奮翼凌
雲鬣繳不能連也胎之新乳也一繩制之及其為牡
也羅網不能禁也虎也執羣獸食牛馬劍戟不能難
也故漣滴之流久久而成江海小蛇不死化為神龍
積微之善以至吉祥小惡不止乃至滅亡

道德經指
歸卷十一

微淺故易除也

道德經註
疏卷六

譬如已滅之火不復求救但多方便防未來火又如

治病已滅之病不復加治但治將生病

大智度論
卷三十八

譬如有人始遇患苦或有醫師少給湯藥則可令差
亦如小樹初生之時以瓜能斷及其長大雖有百斧
伐之猶難

本緣經持
王子品

厚道

為尊者諱耻為賢者諱過為親者諱疾

穀梁成
公九年

趙王封孟嘗君以武城孟嘗君擇舍人以為武城吏
而遣之曰鄙語豈不曰借車者馳之借衣者被之哉

皆對曰有之孟嘗君曰文甚不取也夫所借衣車者非親友則兄弟也夫馳親友之車被兄弟之衣文以為不可今趙王不知文不肖而封之以武城願大夫之往也毋伐樹木毋發屋室訾然使趙王悟而知文謹使可全而歸之

戰國策趙惠文王

國之有封疆家之有垣墻所以合好掩惡也室不能相和出語隣家未為通計也怨惡未見而明棄之未

為盡厚也

戰國策燕王喜

君子不臨深以為高不因少以為多况創病君父以

為已功者哉

風俗通過譽

人足所履不過數寸然而咫尺之途必顛蹙於崖岸

拱把之梁每沈溺於川谷者為其傍無餘地故也君

子之立已抑亦如之至誠之言人未能信至潔之行

物或致疑皆由言行聲名無餘地也

顏氏家訓名實

淳酒味甘飲之者醉不相知薄酒酸苦賓主頓感

王充

論衡自然篇

居窮則志篤處達則恩輕是以楚君施轡激三軍之

澆俗少原流慟諂輕薄之頽風

李善註文選陸士衡演連珠

宣帝時公卿朝會丞相次日聞梟生子長且食其母

寧然有賢者應曰但聞烏子反哺耳丞相大慚君子

之於鳥獸尚為之諱况人乎

事文類聚伯勞桓譚新論

孔子將行雨無蓋門人曰商也有焉孔子曰商也之為人也甚短於財吾聞與人交者推其長者違其短也者故能以久也

太平御覽服用部蓋

人亦有言賈則易交利重太山道輕鴻毛久而益敬見之晏平霜雪既至勁栢冬青

初學記人部交友

越俗性率朴初與人交有禮封土壇祭以犬雞祝曰卿雖乘車我戴笠後日相逢下車揖我步行卿乘馬

後日相逢卿當下

初學記人部交友

新序樂毅書君子絕交無惡言去臣無惡聲

困學紀聞卷十

史攷

博愛

東風生長之風也山巔之上草木猶及之

鄭氏箋詩谷風

界之為言與也能以其餘畀其下者也輝者甲吏之賤者也胞者肉吏之賤者也翟者樂吏之賤者也聞者守門之賤者也古者不使刑人守門此四守者吏之至賤者也尸又至尊以至尊既祭之末而不忘至賤而以其餘畀之

禮記祭統

當尚同之為說也上用之天子可以治天下矣中用之諸侯可以治其國矣小用之家君可以治其家矣

是故大用之治天下而不窕小用之治一國一家而不橫者若道之謂也故曰治天下之國若治一家使天下之民若使一夫

墨子尚同下

藉為人之國若為其國夫誰獨舉其國以攻人之國者哉為彼者由為已也為人之都若為其都夫誰獨舉其都以伐人之都者哉為彼猶為已也為人之家若為其家夫誰獨舉其家以亂人之家者哉為彼猶為已也

墨子兼愛下

陰陽以廣陶濟物三光以普照著明嵩華以藏疾為曠北溟以含垢稱大碩儒以與進弘道遠教以博愛

容眾

抱朴子外篇廣譬

具以九圍共溺竝識歸涯萬國均夢一日俱曉

藝文類聚

內典部寺碑表

尸子曰舜兼愛百姓務利天下其田也荷彼耒耜耕彼南畝與四海俱有其利雷澤也旱則為耕者鑿瀆儉則為獵者表虎故有光若日月天下歸之若父母

困學紀聞卷十諸子

維摩詰言從癡有愛則我病生以一切眾生病是故

我病若一切眾生病者則我病滅

維摩詰所說經問疾品

譬如長者唯有一子其子得病父母亦病若子病愈

父母亦愈菩薩如是於諸衆生愛之若子衆生病則菩薩病衆生病愈菩薩亦愈

維摩詰所說經問疾品

施德

子女玉帛則君有之羽毛齒革則君地生焉其波及

晉國者君之餘也

左傳僖公二十三年

吾儕小人所謂取諸其懷而與之也

左傳宣公十年

小國之仰大國也如百穀之仰膏雨焉若常膏之其

天下輯睦豈惟敝邑

左傳襄公十九年

小國爲繁大國爲省稽而用之其何實非命

左傳昭公元年

雖獲歸骨於晉猶子則肉之

左傳昭公十三年

勝如卵余翼而長之

左傳哀公十六年

公子賦黍苗子餘曰重耳之叩君也若黍苗之叩陰

雨也若君實庇廕膏澤之使能成嘉穀薦在宗廟君

之力也

國語晉

若君不忘周室而爲弊邑宸宇亦寡人之願也

國語越

杜赫欲重景翠於周謂周君曰君之國小盡君之重

寶珠玉以事諸侯不可不察也譬之如張羅者張之

於無鳥之所則終日無所得矣張於多鳥處則又駭

鳥矣必張於有鳥無鳥之際然後能多得鳥矣今君

將施於大人大人輕君施於小人小人無可以求又

費財焉君必施於今之窮士不必且為大人者故能

得欲矣戰國策周惠公

宣揚朝恩示以和睦曠若開雲見日後漢書袁紹列傳

倍知厚德篤於慈父寢淫肌膚滲漉骨髓德重山嶽

澤深河海後漢書馮衍傳註

冀高世之德施於田子老馬之惠贈以秦穆駿馬之

恩使長有依歸以效忠心後漢書馮衍傳註

於覆巢之下蒙全卵之施晉書慕容容德傳

拯我塗炭惠隆丘阜潤同江海恩猶父母晉書應詹傳

鳥雀投人尚宜濟免晉書赫連勃勃記

濯其泥沙假以毛羽陳書周迪傳

陰德者何猶耳鳴已獨聞之人無知者隋書李士謙隱逸傳

莊周家貧故往貸粟於監河侯監河侯曰諾我將得

邑金將貸子三百金可乎莊周忿然作色曰周昨來

有中道而呼者周顧視車轍中有鮒魚焉周問之曰

鮒魚來子何為者邪對曰我東海之波臣也君豈有

升斗之水而活我哉周曰諾我且南游吳越之王激

西江之水而迎子可乎鮒魚忿然作色曰吾失我常

與我無所處吾得升斗之水然活耳君乃言此曾不

如早索我於枯魚之肆莊子外物

有力者疾以助人有財者勉以分人有道者勸以教

人 墨子尚賢下

今贛人敖倉予人河水饑而餐之渴而飲之其入腹者不過簞食瓢漿則身飽而敖倉不為之減也腹滿而河水不為之竭也有之不加飽無之不為饑與守其筭筭有其井一實也

淮南子精神訓

僖負羈以壺飡表其閭趙宣孟以束脯免其軀禮不隆而德有餘仁心之感恩接而憐恒生故其入人深俱之叫呼也在家老則為恩厚其在債人則生爭鬪故曰兵莫憐於意志莫邪為下寇莫大於陰陽枹鼓

徐小 淮南子繆稱訓

君子見過忘罰故能諫見賢忘賤故能讓見不足忘

貧故能施

淮南子繆稱訓

今人放燒或操火往益之或接水往救之兩者皆未

淮南子說山訓

有功而怨德相去亦遠矣請而得其賞廉者不受也言盡而名至仁者不為也今天油然作雲沛然下雨則苗草興起莫之能禦今為一人言施一人猶為一塊土下雨也土亦不生之

矣 說苑復恩

莊周貧者往貸粟於魏文侯曰待吾邑粟之來而獻

之周曰乃今者周之來見道傍牛蹄中有鮒魚焉太
息謂周曰我尚可活也周曰須我為汝南見楚王決
江淮以漑汝鮒魚曰今吾命在盆甕之中耳乃為我
見楚王決江淮以漑我汝則求我枯魚之肆矣今周
以貧故來貸粟而曰須我邑粟來也而賜臣即來亦
求臣傭肆矣

說苑
善說

朝露不夕為恩惠少膏澗欲盡咎在枯稿

焦氏易林
震之同人

妾之幸於君王猶魚之狎於江海也江海不為一魚

而深其流君王不為一妾而深其恩

天祿閣外
史齊姬

絲成帛縷成布賜人絲縷猶為重厚况遺人以成帛

與織布乎

王充論衡
異虛篇

袁將軍再與兄子分家財多有以為恩義崑山之下
以玉為石彭蠡之濱以魚食犬豕使推讓之人財若
崑山之玉彭蠡之魚家財再分不足為也

王充論衡
定賢篇

設使有困病垂死而有能救之得愈者莫不謂之為
弘恩重施矣今若按僊經飛九丹水金玉則天下皆
可令不死其惠非但活一人之功也

抱朴子內
篇釋滯

饑饉之春不賑朋戚多稔之秋饗及四隣不賑朋戚
人之惡行惠及四隣人之善義善惡之行出於性情
而繫於饑穰也

劉子
辨施

夫山阜非為鳥植林林茂而鳥自棲之江湖非為魚
鑿潭潭深而魚自歸之處世非為人積財財積而人
自依之非其所招勢使然也劉子辨施

策駟登山不得直轡而行泛舟入海不得安身而坐
何者山路迂迴海水淪波行者欲直而路曲之坐者
欲安而水蕩之仁者欲施而貧遇之劉子辨施

食不滿腹豈得輟口惠人衣不蔽形何得露體而施
物非性儉慙不足故也劉子辨施

施暢春風澤如時雨是以不別荆棘者慶雲之惠也
七子均養者鳴鳩之仁也舍罪責功者明君之舉也

矜愚愛能者慈父之恩也是以愚臣徘徊於恩澤而
不敢自棄者也文選上責躬詩表

不悟日月之明遂垂由照雲雨之澤播及朽瘁文選陸機謝內史表

重蒙陛下愷悌之宥迴霜收電使不隕越文選陸機謝內史表

咳唾為恩眄睐成飾文選任昉到太司馬記室牋

愛流成海情塵為岳文選玉巾頭陀寺碑文

一言之譽東陵侔於西山一盼之榮鄭璞踰於周寶

文選任昉王
文憲集序

竊以月滿則虧恩來無爽海潮雖大萬江恒注

藝文類聚

俞林人事 卷三十一 九 施德

十四

牙才

卷三十一

十四

食物部
米啟

攀窘逼歸原曰窮鳥入懷原曰焉知斯懷之可入遂

匿之藝文類聚
寶玉部金

洪恩罔極雲雨增加既榮本幹枝葉并蒙藝文類聚
封爵部親

戚封
章

故知假人延譽重於連城借人羽毛榮於尺玉溟池

九萬里無踰此澤之深華山五千仞終愧斯恩之重

文苑英華庾信謝
文序并和詩啟

况復棲鳥挾子同知桂樹之恩澤雉將雛共喜行春

之令根株一潤枝葉俱榮文苑英華庾
信謝賜賚啟

花開四照唯見其榮鼇載三山深知其重文苑英華
庾信謝賜

賚啟

莊周車轍實有涸魚信陵鞭前元非窮鳥文苑英華
庾信謝賜

賚啟

得使已枯之木蒙靈陽之潤焦炎之草幸甘雨之漑

漢武帝
內傳

喻如甘露雨柯葉悉沾恩海空智藏經
問病品偈

或施以物歸獻三寶或施以法覺悟一切虛皇四
十九章

行施時於諸凡夫衆生起慈念想譬如父母瞻視病

子行施散時其心喜悅猶如父母見子病愈元陽妙
經卷五

俞木人事 卷三十一 九 施德

十五

一切有情須食與食須飲與飲須乘與乘須衣與衣
 須花香與花香須瓔珞與瓔珞須房舍與房舍須牀
 榻與牀榻須臥具與臥具須燈明與燈明須財穀與
 財穀須珍寶與珍寶須伎樂與伎樂須侍衛與侍衛
 隨其所須種種資具

波羅蜜多經卷八

譬如摩那斯龍王將欲降雨先興重雲彌覆虛空凝
 停七日而未降雨先令衆生究意諸業何以故彼大
 龍王慈悲心故過七日已漸降微雨普潤大地

大方廣佛

華嚴經三十五

所行惠施無有斷絕如春夏樹華果相續

本緣經毗羅摩品

譬如大雨百穀滋長恒以五指施人財物猶如五龍

降注大雨

本緣經持王子品

若人饑渴給足飲食感恩則深

大智度論卷五十四

施有三種一財施二心施三法施以財施人名為布
 施慈心等心與人樂名為心施說法利人名為法施

羅什譯維摩詰經菩薩品

順施

伐木者倚其巔析薪者隨其理

毛詩小弁

乘風理弋追逸羽於高雲臨波命鈎引沈鱗於大壑

苟得其道為工其事

北齊書杜弼傳

命木人事

卷三十九

順施

十一

天下之物有甚滑稽而難持者女知之矣乎疾之則脫緩之則洩焉以逝非捉園之謂也而所謂善持者能為之於疾徐之間子華子神氣

天不能冬蓮春菊是以聖人不違時地不能洛橘汶貉是以聖人不違俗聖人不能使手步足握是以聖人不違我所長聖人不能使魚飛鳥馳是以聖人不

違人所長

關尹子九藥

度已以繩故足以為天下法則矣接人用拙故能寬

容因求以成天下之大事矣

荀子非相篇

與陽言者依崇高與陰言者依卑小

鬼谷子押闔

假之有人而欲南無多而惡北無寡豈為夫南者之不可盡也離南行而北走也哉今人所欲無多所惡無寡豈為夫所欲之不可盡也離得欲之道而取所

惡也哉

荀子正名

周書曰掩雉不得更順其風

淮南子覽冥訓

言已朝發天之東津萬物所生夕至地之西極萬物

所成動順陰陽之道

王逸註離騷經

風從於雷趾受

平表切

于髀

元包經傳孟陰

股運于腹婦歸於姑

元包經傳孟陽

无妄貞

音頤

顛顛趾延延子欽于父雷奮于天

元包經傳孟陰

念故

鹿之奔走其勢宜疾而走伎伎然舒留其羣也

鄭氏箋詩

小弁

豈如弁髦而因以敝之

左傳昭公九年

子不聞河上歌乎同病相憐同憂相救驚翔之鳥相

隨而集瀨下之水因復俱流胡馬望北風而立越鷺

向日而熙誰不愛其所近悲其所思者乎

吳越春秋闔閭內傳

食其實者不傷其枝飲其水者不濁其流

吳越春秋越王無余

外傳

陳軫曰王獨不聞吳人之遊楚者乎楚王甚愛之病

故使人問之曰誠病乎意亦思乎左右曰臣又知其

思與不思誠思則將吳吟今軫將為王吳吟

戰國策秦惠文君

秦惠王曰子去寡人之楚亦思寡人不陳臻對曰王

聞夫越人莊烏乎王曰不聞曰越人莊烏仕楚執珪

有頃而病楚王曰烏故越之鄙細人也今仕楚執珪

富貴矣亦思越不中謝對曰凡人之思故在其病也

彼思越則越聲不思越則楚聲使人往聽之猶尚越

聲也今臣雖棄逐之楚豈能無秦聲哉

史記張儀傳

富貴不歸故鄉如衣繡夜行誰知之者

史記項羽紀

家貧則思良妻國亂則思良相

史記魏世家

太公封齊五世葬周狐死首丘代馬依風夫周齊同在中土千里之間况於遠處絕域小臣能無依風首

丘之思哉

後漢書班超列傳

忠臣過故墟而歔歔孝子入舊室而哀歎

後漢書馮衍傳

朔馬心何悲念舊中心勞燕雀何徘徊意欲還故巢

晉書呂

光記

衣莫若新人莫若故

晏子春秋上

景公有愛女請嫁於晏子公乃往燕晏子之家飲酒

酣公見其妻曰此子之內子耶晏子對曰然是也公

曰嘻亦老且惡矣寡人有女少且姣請以滿夫子之

宮晏子違席而對曰乃此則老且惡嬰與之居故矣

故及其少而姣也且人固以壯託乎老姣託乎惡彼

嘗託而嬰受之矣君雖有賜可以使嬰倍其託乎

晏子

雜下

舊國舊邦望之暢然雖使丘陵草木之繙入之者十

九猶之暢然况見見聞聞者也

莊子則陽

昔楚昭王與吳人戰楚軍敗昭王走屨決背而行失

之行三十步復旋取屨及至於隋左右問曰王何曾

惜一踦履乎昭王曰楚國雖貧豈愛一踦履哉思與

水人事

念故

借反也自是之後楚國之俗無相棄者

賈子論誠

孔子出遊少源之野有婦人中澤而哭其音甚哀孔

子使弟子問焉曰夫人何哭之哀婦人曰鄉者刈著

薪亾吾著簪吾是以哀也弟子曰刈著薪而亾著簪

有何悲焉婦人曰非傷亾簪也蓋不忘故也

韓詩外傳

邊豆茵席所以官者也而棄之顏色黎黑手足胼胝

所以執勞苦而皆後之臣聞國君蔽士無所取忠臣

大夫蔽遊無所取忠友今至於國臣在所蔽之中矣

說苑復恩

好諫者思其君食美者念其親

說苑反質

與人同寒苦雖有小過猶與之同死而不去况於安

新忘舊乎

烈女傳周列國晉趙衰妻

飛不遠去還歸故處

焦氏易林小過之巽

在貴多忘賤為恩誰能博狐白足禦冬焉念無衣客

曹子建贈丁儀

鷓鴣白黑成文其鳴自呼象小雉其志懷南不北徂

也

張華註禽經

羈鳥戀舊林池魚思故淵

陶靖節集詩五言

胡馬仰朔雲越鳥巢南樹

李善註文選蕭白馬賦

狐獸思故藪離鳥悲舊林

文選陸士衡贈從兄車騎詩

命木人事入卷三十一念故

越人衣文地代馬依北風君子於其國也愴愴傷於

心 李善註文選 張景陽雜詩

鐘儀幽而楚奏兮莊烏顯而越吟人情同於懷土兮

豈窮達而異心 文選登樓賦

感平生之遊處兮若墮篋之相須何今日之兩絕若

胡越之異區 文選鸚鵡賦

信松茂而栢悅嗟芝焚而蕙歎苟性命之不殊豈同

波而異瀾 文選歎逝賦

况復已朝餐曷由知我饑 文選郭泰機答傅咸詩

達之所服貴有或遺窮之所接賤而必尋是以江漢

之君悲其墜屨少原之婦哭其亾簪 文選陸機演連珠

茱萸自有芳不若桂與蘭新人雖可愛不若故所懽

廣文選曹子建浮萍篇

莫以豪賢故棄捐素所愛莫以魚肉賤棄捐葱與韭

莫以麻枲賤棄捐管與蒯 廣文選曹孟德唐上行

延陵季子使過徐徐君心欲得其實劍弗忍言季子

心許之而未及與及還而徐君已薨乃脫寶劍懸於

墓樹徐人奇之曰延陵季子不忘舊故脫千金之劍

掛丘樹 藝文類聚人部懷舊

故交不可忘猶如蘭桂芳新知雖可悅不異茱萸香

藝文類聚人部閨情詩

衣不厭新人不厭故

藝文類聚人部別下書

陳席不棄故劍無遺

藝文類聚職官部太子詹事表

武王衣之銘曰桑蠶苦女工難得新捐故後必寒

玉海

聖文御製賦

譬如陸龜心常念水

海空智藏經持誡品

利人

古者聖王亦嘗厚措歛乎萬民以為舟車既已成矣曰吾將惡許用之曰舟用之水車用之陸君子息其足焉小人休其肩背焉故萬民出財齎而予之不敢

以為感恨者何也以其反中民之利也

墨子非樂上

所為貴良寶者為其可以利也而和氏之璧隋侯之珠三棘六異不可以利人是非天下之良寶也今用義為政於國家人民必眾刑政必治社稷必安所為貴良寶者可以利民也而義可以利人故曰義天下之良寶也

墨子耕柱

公輸子削竹木以為鵲成而飛之三日不下公輸子自以為至巧子墨子謂公輸子曰子之為鵲也不如翟之為車轄須臾斲三寸之木而任五十石之重故所為巧利於人謂之巧不利於人謂之拙

墨子魯問

人爲嬰兒也父母養之簡子長而怨子盛壯成人其
供養薄父母怒而謂之子父至親也而或譙或怨者
皆狹相爲而不周於爲已也夫賣庸而播耕者主人
費家而美食調布而求易錢者非愛庸客也曰如是
耕者且深耨者熟耘也庸客致力而疾耕耕者盡巧
而正畦陌者非愛主人也曰如是羨且美錢布且易
云也此其養功力有父子之澤矣而心調於用者皆
挾自爲心也故人行事施予以利之爲心則曰人易
和以害之爲心則父子離且怨韓非子外
儲說左

匡章謂惠子曰公之學去尊今又王齊王何其到也

惠子曰今有人於此欲必擊乎其愛子之頭石可以代
之匡章曰公取之代乎其不與施取代之子頭所重
也石所輕也擊其所輕以免其所重豈不可哉匡章
曰齊王之所以用兵而不休攻擊人而不止者其故
何也惠子曰大者可以王其次可以霸也今可以王
齊王而壽黔首之命免民之死是以石代愛子頭也
何爲不爲民寒則欲火暑則欲水燥則欲濕濕則欲
燥寒暑燥濕相反其於利民一也利民豈一道哉當
其時而已矣呂氏春
秋愛類

象解其牙不憎人之利之也死而棄其招蕢不怨人

取之人能以所不利利人則可淮南子說山訓

屠者羨藿為車者步行陶者用缺盆匠人處狹盧為者不得用用者弗肯為淮南子說林訓

家人有嚴君焉井竈之謂也俾冬作夏非竈孰能俾

夏作冬非井孰閑藝文類聚火部竈

齊女徐吾者東海上貧婦與其鄰婦李吾合燭夜績徐吾最貧而燭不屬或謂李吾曰徐吾燭數不屬請無與夜徐吾曰妾以貧故起常先去常後掃陳席以待來者坐常處下為貧故也今一室之中益一人燭不為益明去一人燭不為益闇何愛東壁餘光莫之

能應遂復與夜積事文類聚燭

舜兼愛百姓務利天下其田歷山也荷彼耒耜耕彼南畝與四海俱有其利其魚雷澤也早則為耕者鑿瀆儉則為獵者表虎故有光若日月天下歸之若父母

太平御覽皇王部帝舜有虞氏

欲蠲人之憂則贈以丹棘丹棘一名忘憂欲蠲人之

忿則贈以青棠青棠一名合歡太平御覽木部合歡

譬如良藥能除眾生種種病根海空智藏經持誡品

譬如眾生身有病苦拾遠夷塗而行嶮道嶮道多難備受眾苦忽有異人見愍念之即將教以平坦之路

海空智藏
經供獻品

譬如有人患諸重疾枕卧牀席飲食不能氣命無幾忽於空中得甘露藥盈滿一卮歛在頭首其人大驚疑是鬼毒妖災所降又復疑是神明所賜當欲飲之進退未敢忽於空中有一善神發聲唱言是大妙藥可取服之疾者聞已方大歡喜取藥而飲病便除瘥

海空智藏
經序品

亦如有人欲之彼國隔大河流翹彼岸渺然萬里愁苦屏營不能自抑善濟神王忽於岸邊化作一舟篙櫂行具觸事無乏中有一人語欲度人汝可入此當

載汝過其人卽驚我在此久多時覓船終不能得那忽今日挺然化有當是鬼魅誘我入水若是化或後必生害我寧止此卒於性命脫失計去死悔無及卽於爾時善濟神王化作飛仙於靈霞間高聲唱言此是善神欲濟汝命度去無嫌是時此人得聞斯語心大歡喜安隱無量便入船中直過彼岸

海空智藏
經序品

譬如虛舟汎浮濟溺無意而浮任人東西到所岸者捨舟便去况非舟耶

無上內秘藏
經解脫品

譬如有人墮墜圓廁糞穢之處在此廁中云何得出有善男子見而愍之尋前捉髮拔之令出

元陽妙
經卷七

悉如良井縱使天下大旱百丈絕源此井猶滿井主足用餘以施人百千萬人舉鄉郭人恣意汲取給拯無極終於無竭靈寶通微經

一切有情長時履踐猶如道路亦如橋梁波羅蜜多經三百三十七

如大長者無量資財為一切人之所受用波羅蜜多經卷五百六十八

譬如三千大千世界所出諸物無不皆為有情受用

波羅蜜多經卷五百七十

譬如真金常與有情作大饒益謂未出礦若出礦時

若轉變成諸莊嚴具若復出賣轉買餘物皆與無量

無邊有情隨其所應作大饒益波羅蜜多經五百八十三

譬如王子未紹王位與諸有情作大饒益若紹王位

亦與有情作大饒益若命終後亦與有情作大饒益

波羅蜜多經五百八十三

譬如刹利灌頂大王多有倉廩盈儲穀豆嚴誠王司

善令監守何以故於饑饉世當濟羣生大寶積經二十七

如大雪山中有大藥王名為毗伽摩若聞其聲一切

世間猛烈毒熱皆悉消滅若藥所任百踰繕那其威

盛故令諸惡毒皆無勢力若以藥王塗大螺鼓若擊

若吹其聲所及諸有衆生或飲毒藥或被毒螫毒塗

毒刺衆毒惱者但聞如是螺鼓之聲暫至於耳一切

諸毒皆得除滅大寶積經四十八

譬如雪山王中生諸藥草無有所屬無所分別隨病

所服皆能療治

大寶積經卷一百一十二

護諸怖畏如親如友訪諸怨敵如壑如城救諸危難

猶如父母藏諸怯劣猶若叢林

大集地藏十輪經卷一

譬如大雲於夏暑月降霪大雨乃至增長一切種子

大方廣佛華嚴經卷四十三

譬如日出生盲衆生無眼根故未曾得見雖未曾見

然爲日光之所饒益何以故因此得知晝夜時節受

用種種衣服飲食令身調適離衆患故

大方廣佛華嚴經卷五十一

譬如大水以能利潤受用衆生故譬如大城以能滿

足一切智慧功德故譬如僮僕以心慈悲代諸衆生

勤苦事故

法集經欲西

四駛生死河法船度彼岸

中陰經卷下

菩薩妙行有四事何等爲四一者願我常生無佛世

界喻如日月行闇浮提爲其陰冥二者如以金錒決

其眼瞶令覩光明三者作大藥樹一切衆生得聞香

者病苦悉除四者常演說法澍雨法雨萌芽生長成